


長沙縣志

10270113  
38  
2010.10.19





長沙縣志卷之三十五

藝文二

五言律詩

晚泊湘江

唐 宋之問

五嶺悽惶客三湘顛顛顏况復秋雨霽表裏見衡山路逐鵬  
南轉心依雁北還惟餘望鄉淚更染竹成斑

湘洲九日城北亭子

張說

西楚茱萸節南淮戲馬臺甯知湘水上復有菊花杯亭帳憑  
高出親朋自遠來短歌將急景同使興情催

夜渡湘水

孟浩然

客舟貪利涉夜裏渡湘川露氣聞芳杜歌聲識采蓮榜人投

長沙縣志

卷之三十五

藝文二

一

岸火漁子宿潭煙行侶時相問潯陽何處邊

使還湘水

張九齡

歸舟究何處正值楚江平夕逗煙邨宿朝緣浦樹行于役已  
彌歲言旋今愜情鄉郊尚千里流目夏雲生

自湘水南行

落日催行舫逶迤洲渚閒雖云有物役乘此更休閒暝色生  
前浦清暉發近山中流澹容與惟愛鳥飛還

初入湘中有喜

征鞍窮郢路歸棹入湘流望鳥惟貪疾聞猿亦罷愁兩邊楓  
作岸數處橘為洲卻計從來意翻疑夢裏遊

湘中有懷

張謂



八月洞庭秋瀟湘水北流還家萬里夢爲客五更愁不用開  
書帙偏宜上酒樓故人京洛滿何日復同遊

送王員外赴長沙

賈至

攜手登臨處巴陵天一隅春生雲夢澤水溢洞庭湖共歎虞  
翻枉同悲阮籍途長沙舊卑溼今古不應殊

岳陽樓宴王員外貶長沙

極浦三春草高樓萬里心楚山晴靄碧湘水暮流深忽與朝  
中舊同爲澤畔吟停杯試北望還欲淚沾巾

對雪

杜甫

北雪犯長沙湖雲冷萬家隨風且閒葉帶雨不成花金錯囊  
垂罄銀壺酒易賒無人竭浮蟻有待至昏鴉

長沙縣志

卷之三十五

藝文二

二

暮秋將歸秦畱別湖南幕府親友

水闊蒼梧野天高白帝秋途窮那免哭身老不禁愁大府才  
能會諸公德業優北歸衝雨雪誰憫敝貂裘

發潭州

夜醉長沙酒曉行湘水春岸花飛送客檣燕語畱人賈傅才  
何有褚公書絕倫名高前後事回首一傷神

晚秋長沙蔡五侍御飲筵送殷六參軍歸澧州觀省作

佳士欣相識慈顏望遠遊甘從投轄飲肯作置書郵高鳥黃  
雲暮寒蟬碧樹秋湖南冬不雪吾病得淹畱

入喬口

漠漠舊京遠遲遲歸路賒殘年傍水國落日對春華樹密早



蜂亂江泥輕燕斜賈生骨已朽悽惻近長沙  
銅官渚守風

不夜楚帆落避風湘渚閒水耕先浸草春火便燒山早泊雲  
陽晦逆行波浪慳飛來雙白鶴過去杳難攀

祠南夕望

百丈牽江色孤舟泛日斜興來猶杖履目斷更雲沙山鬼迷  
春竹湘娥倚暮花湖湘清絕地萬古一長嗟

潭州送韋員外迢牧韶州

炎海韶州牧風流漢署郎分符先令望同舍有輝光白首同  
年疾秋天昨夜涼洞庭無過雁書疏莫相忘

野望

長沙縣志

卷之三十五

藝文二

三

納納乾坤大行行郡國遙雲山兼五嶺風壤帶三苗野樹侵  
江闊春蒲長雪消扁舟空老去無補聖明朝

送長沙韋明府之任

郎士元

秋入長沙縣蕭條旅宦心煙波連桂水官舍映楓林雲日楚  
天暮沙汀白露深遙知訟庭裏佳政在鳴琴

題泐潭寺

裴休

泐潭形勝地祖塔在雲湄浩劫有窮日真風無墜時歲華空  
自老消息竟誰知到此輕塵慮功名自可遺

潭州畱別杜員外

韋迢

江畔長沙驛相逢纜客船大名詩獨步小郡海西偏地溼愁  
飛鵬天炎畏跼鳶去畱俱失意把臂共潸然



潭州泊船呈諸公

韓愈

夜寒眠半覺鼓笛鬧嘈嘈暗浪舂樓堞驚風破竹篙主人看  
使範客子讀離騷聞道松醪賤何須吝錯刀

送崔爽之湖南

孟郊

江與湖湘通二水洗高空定知一日帆使得千里風雲唱與  
誰和俗情多不通何當逸翮縱飛起泥沙中

湘南登臨湘樓

元稹

高處望瀟湘花時萬井香雨餘憐日嫩歲閨覺春長霞刹分  
危榜煙波透遠光情知樓上好不是仲宣鄉

晚宴湘亭

晚日宴清湘晴空走豔陽花低愁露醉絮起覺春狂舞旋紅

長沙縣志

卷之三十五

藝文二

四

裊急歌垂碧袖長甘心出童殺須一盡時荒

送韋整尉長沙

張祐

遠遠長沙去憐君屈一官風帆彭蠡疾雲水洞庭寬木客提  
蔬束江鳥接飯丸莫言卑溼地未必乏新歡

三月五日之長沙東湖

張又新

上巳餘風景芳辰集遠坳湖光迷翡翠草色醉蜻蜓鳥弄桐  
花日魚翻穀雨萍從今畱勝會誰敢畫蘭亭

送潭州陸戶曹之任

歐陽詹

三語又爲椽大家聞屈聲多年名下士四姓江南英衡嶽半  
天秀湘潭無底清何言驅車遠去有蒙莊情

送李餘往湖南

賈島



昔去候溫涼秋山滿楚鄉今來從辟命春物徧潯陽岳石挂  
海雪野楓堆渚牆若尋吾祖宅寂寞在瀟湘

送客歸湖南

楊憑

湖南樹色盡了了辨潭州雨散今爲別雲飛何處游情來偏  
似醉淚迸不成流那向蕭條路緣湘篁作愁

送史澤之長沙

司空曙

謝眺懷西府單車觸火雲野蕉依戍客廟竹映湘君夢渚巴  
山斷長沙楚路分一杯從別後風月不相聞

賈諛宅

許渾

一謫長沙地三年歎逐臣上書憂漢室作賦弔靈均舊宅愁  
芳草西風薦客蘋淒涼回首處不見洛陽人

長沙縣志

卷之三十五

藝文二

五

楚江懷古

二首

馬戴

露氣寒光集微陽下楚邱猿嘯洞庭樹人在木蘭舟廣澤生  
明月蒼山夾亂流雲中君不見竟夕自悲秋

野風吹蕙帶驟雨滴蘭橈屈宋魂冥冥江山思寂寥陰霓侵  
晚景海樹入迴潮欲折寒芳薦明神詎可招

長沙送梁副端歸京

戴叔倫

奏書歸闕下祖帳出湘東滿座他鄉別何年此會同藉芳憐  
岸草聞笛怨江風且莫乘流去心期在醉中

暮春遊長沙東湖贈辛兗州巢父

二首

湘流分曲浦繚繞古城東岸轉千家合林開一鏡空人生無  
事少心賞幾回同且復忘羈束悠悠落照中



回環路不盡，歷覽意彌新。古水畚田火，澄江蕩槩人。緩歌尋極浦，一醉送殘春。莫恨長沙遠，他年憶此辰。

長沙館中與郭夏對雨

劉長卿

長沙積雨晦深巷，絕人幽潤上春衣。冷聲通暮角，愁雲橫全楚。地樹暗古湘，洲杳靄江天。外空堂生百憂。

送胡休處士歸湘江

李頻

見說湘江切長愁，有去時江湖秋色遠。雷雨夜眠遲，舊業多歸興。空山盡老期，天寒一瓢酒。落日醉畱誰。

送張秀才之長沙

戎昱

君向長沙去，長沙僕舊諳。雖云桂嶺北，終是闕庭南。山靄生朝雨，江煙作夕嵐。松醪能醉客，慎勿老湘潭。

長沙縣志

卷之三十五

藝文二

六

南遊有感

于武陵

杜陵無厚業，不得駐車輪。重到曾遊處，多非舊主人。東風千嶺樹，西日一洲蘋。又渡湘江去，湘江水復春。

長沙開元寺昔與故長林許侍御題松竹聯句

李羣玉

牆陰數行字，懷舊慘傷情。薜荔侵年月，莓苔壓姓名。逝川前後水，浮世短長生。獨立秋風暮，凝顰隔郢城。

湖南使院遣情送江夏賀侍郎

方干

雲雨一消散，悠悠關復河。俱從泛舟役，遂隔洞庭波。楚水流不盡，秋風今更過。無由得相見，卻恨寄書多。

寄湘中鄭明府

黃滔



縣與白雲連滄州況縣前嶽僧同夜坐江月看秋圓琴拂莎  
庭石茶擔乳洞泉莫耽雲水興疲俗待君痊

冬至投長沙裴侍郎

杜荀鶴

欲露塵中事其如不易言家山一離別草樹匝春暄吹夢風  
天角噉愁雪岳猿佇思心覺滿何以遠門軒

亂後送友人歸湘中

家枕三湘岸門前卽釣磯魚竿壯歲別鶴髮亂時歸嶽暖無  
猿叫江春有燕飛平生書劍在莫便學忘機

晚泊湘江懷古

貫休

煙浪漾秋色高吟似得鄰一輪湘渚月千古獨醒人岸石穿  
花遠風香禱廟頻只應諛佞者到此不傷神

長沙縣志

卷之三十五

藝文二

七

弔屈原

宋司馬光

白玉徒爲潔幽蘭未謂芳窮羞事令尹疏不怨懷王寃骨消  
寒渚忠魂失舊鄉空餘楚詞在猶與日爭光

寄潭州張芸叟

二首

陳師道

去國如前日爲邦得舊遊霜柑先落手春雁幾回頭祇道風  
沙惡甯知賈宋畱賦詩眞有助弔古不同憂

湖嶺一都會西南更上遊秋盤堆鴨腳春味薦貓頭宣室來  
何暮蒸池得借畱孰知爲郡樂莫作越鄉憂

長沙道中

唐庚

古古今今路朝朝暮暮行橘林香處飯杉木翠邊程山帶湘  
靈慘川含楚些清江湖無限句遷客要才情



懷嶽麓

朱熹

風月平生意江湖自在身年華供轉徙眼界得清新試問西  
山雨何如湘水春悠然一長嘯妙絕兩無倫

湘江宿別

文天祥

瀟湘一夜雨江海十年雲相見皆成老重逢便作分嘯鵑春  
浩蕩回雁曉慙江海人方健月明思對君

舟發長沙

明 薛瑄

已覺長沙北猶瞻嶽麓西天浮湘水闊樹入楚山低岸芷餘  
香草叢篁染舊嘯昔賢遊覽地我亦爲畱題

泊舟水陸洲望嶽麓

余嘉賓

一望蒼煙闊徘徊泊橘洲放茲舟內眼看出嶽山秋炤水平

長沙縣志

卷之三十五

藝文二

八

分翠如雲但不流誰能生羽翮吟笑最高頭

橘洲晚霽

陳宗禹

嘉樹何年植秋風萬頃黃寒沙頻弄影落日遠浮光錫貢珍  
堪擬侯封富莫強孔明亦貽後負郭只田桑

開福寺

李冕

最愛招提景天然入畫屏水光含鏡碧山色擁螺青抱子猿  
歸洞衝雲鶴下汀從容坐來久花落滿閒庭

半山亭

董策

石磴羊腸險雲門鳥道懸半山還翠蓋萬壑響清泉爲聽高  
僧偈應憐對月眠還期登絕頂不負探幽元

謁朱張二先生祠

堵允錫



猶見先生字鬼然古刹前勿深同異辨翻藉磬鐘緣棟落陰  
晴雨蕩飛晝夜泉相期今在昔迴戶厯星懸

送周秀才遊長沙

李禎

迢遞長沙道蕭條歲宴遊亂山黃葉寺孤棹白蘋洲夕鳥衝  
船過寒波背郭流毋論卑溼地賈傅昔曾留

憶長沙梅樹

國朝 雷叔聞

江館長吟日梅花開未稀已憐清到骨猶覺冷侵衣側想美  
人怨其如斜月輝誰能吹短笛招得玉魂歸

過喬江口

江闈

奔走喬江口春陰客思賒淹留牽墨綬書疏隔京華空岸隨  
煙斷孤帆引雨斜前賢曾去住莫更悵雲沙

長沙縣志

卷之三十五

藝文二

九

長沙江上

名郡雄南服今茲尙若何炊煙平野少殘壘近郊多嶽麓銜  
斜照湘江散晚波楚騷無酒讀倚棹但高歌

望水陸寺

廖元度

天地軍麾後何年一寺存浮洲煙似島泊岸水連村橋柚空  
相憶江楓已沒痕那堪風浪裏鐘磬出黃昏

就園

趙開心

水天相渾處不禁舫輕搖魚鳥知親客曾羅識避撓鏡隨潭  
影靜神與去帆遙觴詠無心極清商陋玉簫

感懷四首之一和趙洞門韻

胡爾愷

披裘長避世賣藥亦逃名未具蛾眉倩終難學步成樵漁魂



夢穩冷暖世情明自是瀟湘客含悽弔屈平

依韻和金會公

胡之太

長嘯高風遠微吟古道存陰何多苦搆沈范自分門詩律誰  
稱聖騷壇爾獨尊燕雲楚水際尊酒約重論

雨

朔雪衝寒往青春被放回雷聲頻送雨沙路靜無埃芳草含  
珠媚勞人抱璞哀小簷聊憩息同侶欲銜杯

送友人入都

趙而愷

本是天涯客何須弔影孤詩書勞歲月愁病寄江湖定遠新  
投筆終軍早棄繻莫將臨別淚輕染蓼花圖

趙而方

曉起望鄰庵有感淡生

長沙縣志

卷之三十五

藝文二

十

曙鐘殘月落高閣一燈明恍惚昨宵夢淒涼十載情曉光分  
樹杪霜氣滿江城一自知音去高樓罷笛聲

興福寺

釋本雲

幽深疑此路幾折向雙峯辨處沿溪蹟聞人隔竹春斷橋松  
自偃古碣蘚能封寂歷黃昏後前岡煙靄鐘

秋陰過大小二洞

柳天生

漸覺乾坤小崎嶇路不窮徑迷天作霧樹老腹生風石磴千  
層合蒙蘿一綫通若聞人語逼雞犬入雲中

題園次半草亭

趙而怵

結構人能異相邀舊夢還胸中非一木眼底卽千閒蕭統樓  
邊月枚乘宅後山無須重染蹟今古幾柴關



立秋矣舟不行

可惜孤帆宿全非行者思東風不受過秋水若爲疑夢逗三  
吳影天開七夕期蒼涼無所託湖海亦何悲

甲子偶疾秋試未赴

劉之基

好事誠難得所悲不在秋客因多病老身喜不才畱學道方  
知命畱書豈浪遊南鵬飛且息遮莫在林邨

孤雲

觸石崇朝起銀河不肯收人間纔識面天外若離儔度水閒  
畱影銜山乍入秋誰將五色夢吹到白蘋洲

雪意十首之一

中原多粉飾天意似彌縫羽亂三江鶴鱗殘七澤龍水紋平

長沙縣志

卷之三十五

藝文二

十一

不動山崩素無丰莫道函關小丸泥未可封

送友返衡兼入蜀

釋缶庵

去住因無定那堪東復西孤筇拖月瘦片笠怕風低履破衡  
嵐翠襟添蜀黛迷前程何所計須信峽猿嘯

過泐潭寺

張迪貞

不信城中寺翻如郭外春山僧方揖客林鳥欲依人濁水無  
珠顆蓮花有佛身未能耽妙諦香影坐消塵

遊長沙樹松園

楊超曾

寂寂南窗下翛然酷暑清竹陰隨日轉松韻受風鳴高枕羲  
皇夢空山鹿豕情幾番車馬過不問野人名

泊舟喬口

胡光泮



畫閣聞遙吹帆停一水澄村霜鳴宿犬漁火上秋燈寺古疏鐘度煙寒野樹凝吟懷追杜甫索句愧無能

江樓對菊小飲

陳綸

宴坐孤亭上山高月到遲晴江流斷岸殘菊對新巵木落黃陵廟雲寒賈傅祠誰家橫短笛偏向客中吹

過榔梨謁陶公叔姪二真人祠

楊世芳

修竹一林雨葵江四面風當時隱君子今日古仙翁自信鬢眉在尤憐咸籍同我來一瞻拜鶴鹿許相從

從祀易別駕祠

周臣

掛幘投京洛揮戈起永陽勤王心獨壯罵賊齒何剛血化千年碧名畱萬古香至今瞻廟貌精爽耀虹光

長沙縣志

卷之三十五

藝文二

十三

初秋過泐潭寺

周楨

步履尋幽遠行行到寺前荷深添水氣鶴嬾耐茶煙逕折秋花隱林空疏磬傳茅亭同坐晚別是一江天

臨栗橋壩贈王文學廷鑑

陳嘉猷

下流資灌溉好試濟川功竹石千山積原田一澮通怨咨民事苦勞止長官同作楫書生願雲藏半畝宮

泊長沙望嶽麓書院

劉蜚聲

四大傳名舊由來吾道南晚風翻碧浪落日燦晴嵐隱隱宮牆在騷騷樹影參古人如可作一葦問雲谿

遊長沙蕉園

黃遇隆

考槃何處是蕉影上窗櫺微雨催花紫團雲入葉青書藏香



自古客滿戶長局懷素如相訪江村一草亭

雨中遊嶽麓

司理

周崇旦

鶴居

薄海尊南嶽尋幽萬里來望迷山外雨行滑逕中苔古勝雲  
為護穹巔日半開賡詩無得句徒向夢餘猜

宿開福寺

周烈

古刹何年剏荒碑老杜蘅偶來參佛理頓覺滌塵情錫振霜  
沈壑鐘敲月在楹老僧宣貝典香雨落殘更

宿雲麓宮

廖元度

林深宵氣重一枕對燈青月色和秋瘦蟲聲觸夢醒壁銘嗟  
故宅壁間存有明季小磁碑天問補遺經樂死吾知勉雲山

足典型

長沙縣志

卷之三十五

藝文二

十三

感懷集杜

滿目悲生事畏人嫌我真理生那免俗倚杖更隨人易下楊  
朱淚難甘原憲貧汀煙輕冉冉念此別驚神

瀟湘八景詩

有引

江有溶

瀟湘題詠米元章序與其詩盡之矣余生際化倚江山惟  
悴非復前賢興會亂定感懷愴然賦句聊志時變云爾

瀟湘夜雨

卑溼余鄉舊生時值陸沈湘如陵欲塌賈誼宅常陰澤國年  
年漏陽臺夜夜心朝雲何處去總向雨中尋

洞庭秋月

深夜忽懷曠空明影靜生浪翻千頃白舟歷萬山晴何止遊



壺嶠還疑淨甲兵遠來歌款乃絕不似鏡鉦

遠浦歸帆

江帆日日過指點是歸人昨夜燈花劇連朝口信頻羽飛憂  
客後風利畏煙津抵岸鄉心慰遙看或未真

平沙落雁

何地非棲向幽情愛古潭峯迴正願息野宿故能諳飲啄無  
投處置羅莫苦耽所驚軍借壘笳吹便難堪

漁村夕照

比舟高曬網趁此夕陽延炊熟蘆花渚歌橫橘柚天縱傳檣  
櫓警不滅笠蓑煙爛醉漁人樂微聞喚渡船

山市晴嵐

長沙縣志

卷之三十五

藝文二

十四

麓湘開霽氣人在畫圖閒毛髮山身吐躋登我意頑濃如凝  
曉黛爽欲滴秋顏白晝青燐徧嵐光不可刪

煙寺晚鐘

寺已經兵革僧猶守鉢雲寂喧微杵下夢醒隔洲分逐市爭  
餘熱休心在薄曛城門斜半閉只待暮鐘聞

江天暮雪

風景正蕭澀山川忽改觀踏歌偏耐苦索醉不知寒一葉波  
中泛千村鏡裏看向前尋遠眺慎勿遇兜冠

弔屈原賈傅二章

江皋

楚騷千古怨難盡屈原心澤畔人何處江流水自深旅魂招  
不返天問亦空沈漠漠荒祠下堪悲漁父吟



遺宅何年在江山賈傅名才難容盛世淚只爲蒼生宣室召  
空下長沙恨不平前身疑屈子湘水約同清

嶽麓書院

朱前詒

青翠淡如許門開羅遠峯傳薪尋正脈講塾景遺蹤觀水送  
遙碧看山依古松詠歸吾興發何處起疏鐘  
星沙學署久圯初至寓萬福精舍者累月三章

徐則論

橋門混牧壤講習問禪居半擔裝無幾三閒屋有餘妙香清  
臥內孤磬拂晨除時共山僧話淒涼及亂初  
行止難違命寒氊戰後催卑貧吾道在寥落世情灰且宿贊  
公室誰憐鄭老才雲波殘笈滿新向洞庭來

亂後初投跡艱難冷宦情三湘非異國八口未同行北望家  
原在南來累覺輕居然一老衲夜夜伴鐘鳴

何天衢

觀音寺

爲聽高僧偈因過福地遊古苔隨坐碧新竹捲簾幽卓錫寒  
泉布鳴鐘夕梵收講堂香積滿向晚正堪畱

徐則論

喬口懷杜追用其韻

趁泊尋煙入懷情望古賒才名人已遠詩句地增華鄉國歸  
心斷依栖落日斜爲君悽惻意一似向長沙

壬戌燕還理數椽學側居焉卽事賦

小築初披莽索居堪掩關非甘跡踽踽愛此意閒閒書味眠  
餐裏山容顧步閒衙參久未報腰腳恐增頑



過賈誼故宅

詹士懿

治安容易獻宣室慮何深誰信長沙傳真同屈子心煙凝芳  
徑夕苔護斷碑陰痛哭翻多事遺文空至今

上銅官渚

逆水過洲渚銅官舊得名屋斜深竹抱湍激落霞明舉網夜  
漁集揚帆客慮輕星沙看咫尺寒雁有遺聲

中秋後三日泛舟抵三叉磯至谷山訪谿庵和尚四首

胡之太

湘江平不流容與泛虛舟傍石堪維纜循阡更陟邛樾香風  
撲鼻萑白雪盈眸山水清音在良辰賦勝遊

偶尋雲母石一到谷王峯地自唐僧闢名緣帝子封山爲三藏法師

長沙縣志

卷之三十五

藝文二

六

道場明太祖第十九子名穗封長沙王後於此山修道因稱谷王峯鉢衣傳後裔殿閣贖遺蹤

想像荒山暮猶聞舊日鐘

千章葉未脫丈室榻堪畱畏熱趨銀杏山有無心銀杏枝葉婆娑甚古充飢

剝石榭坐聞好鳥語行俯細鱗遊老衲精名理支公不遠求

山高遲月出坐久到更深揮塵忘塵俗挑燈證道心禪和咸

解語賓從亦知音避暑來年約相將話茂林

暮春同友人過訪泐潭寺湛修和尚二首 胡之太

咫尺泐潭寺經年未得過雨餘穿小徑花發踏青莎庭靜琴  
聲好池平蛙鼓多相將長不厭攜手共婆娑

諸君來往慣獨怪老夫遲會晤良非偶因緣信有時城隅添  
別業方外結新知支許風徽邈心交應在茲



遊普度庵

陳綸

蠟屐斜穿去徐徐策短筇風崖噴亂瀑雲壑冷孤蹤鳥落江  
村樹僧歸野寺鐘山池清澈底倒浸綠芙蓉

湘江懷古

李世著

瀟沅接洞庭煙水共沈冥汀上芷猶白江邊楓自青湘娥悲  
逐客山鬼哭幽靈屈子魂何處千秋成獨醒

再登黑麋峯

張應塾

峭壁橫今古登臨不計年苔痕移石磴日影散峯巔倚樹浮  
雲合遙天孤閣懸江城入望裏懷古意何先

弔賈太傅

陳文遠

太息治安策竟逢文帝時席前宣室詔死後半山詩往事何

長沙縣志

卷之三十五

藝文二

七

堪數今人重所知誰將國士淚上與賈生期

憩息雩亭望嶽

劉正鈞

韻事殊難竟孤亭落影微水流山欲動雲擁樹如飛殘雨生  
嵐氣空堂靜夕暉神遊諸象外眺詠卻忘歸

榔梨江望東岡書院故址

東岡雲樹在何處授經堂一段嬋娟月虛含几席光燕無昔  
日主花剩此時香誰接元冲美惟親子厚鄉

登拱極樓

熊國均

不知舟子意擊楫竟何之岸柳含煙遠江鷗擇地遲芒屨沙  
徑輒布帽冷風欺一覽春山外揜筇且自怡

遊嶽麓寺

徐端言



古寺依靈麓清幽小洞天蒼松閒鶴夢深澗繞龍涎榻冷慈雲過臺香花雨懸遠來參佛子願得指頭禪

星沙夜發

張邦柱

落木驚歸夢西風倦旅情天寒沙鳥集江晚釣舟橫遠火邨前出疏星樹外明關心千古事不獨是平生

千壽寺月夜卽事

張雄圖

雲臺湧斜月松際生微風此時一尊酒千里故人同醉餘聊散步已報寺門封卻歸立苔徑答響問秋蟲

長沙志館卽事

向廷柱

班馬傳心地相從不敢違自圖成國史誰惜典朝衣蒐討三湘秘推敲一字微書成懸藝圃如日吐清輝

長沙縣志

卷之三十五

藝文二

六

孟夏雜吟

劉暉澤

長晝渾無事臨風披葛巾鷺塵堪一笑詩酒任吾真地僻香薰案天空鳥避人忽聞車馬過禮數逼閒身

獨立

幽意吾能領春花開幾時斜風翻燕子驟雨洗鷺兒天地久清曠友朋勞夢思披襟獨無語未覺午陰移

友人讀書萬福禪林詩以代柬

高拔

遙知耽雅趣今夕定如何對月勘疑字將花發浩歌龍宮空梵唄紙帳冷雲蘿樽酒他時晤論文不憚苛

湘中詩

余廷燦

萬里芙蓉國風煙接畫圖雲容連百粵江氣走三吳樓閣仙



人宅魚龍帝子都秋天一臨眺平楚正蒼蕪

為導南條水鴻文洩麓山龍蛇歸大壑蝌蚪落人閒山鬼千  
年泣泥橐一宿還煇煇明德遠曾未蝕苔斑

清遠沅湘地人倫翼左徒爭光日月志遺憾虎狼都稚子謀  
偏用懷王注已孤沈江甘就死楚社竟誰扶

太傅長沙遠三年見阻撓君偏憑絳灌臣本薄蕭曹宣室徒  
聞召吳公竟未裒空餘秋草宅人去獨尋勞

北海凌雲筆摩挲性所耽二張猶可折三絕更誰參三絕碑  
謂邕撰

覆鱗甲露煙嵐

喬口銅官渚飄零出峽身諸侯賓客老先帝拾遺臣避盜仍

長沙縣志

卷之三十五

藝文二

九

戎馬

子美避崔旰出蜀來  
長沙又值臧玠亂

高歌有鬼神中原歸未得花鳥友

于親

大筆元和老連州遇召還人來尊北斗雲淨感衡山志業皋

夔並文章李杜閒湘西畱警句巖戶數追攀

靈麓宗風振名山屬大儒薪傳無盡火驪探得元珠湘水心

源遠湖光眼界殊赫曦臺有詠天籟異于喁

狄梁公不作想見李西涯

穆堂先生  
著狄李論

力挽清流禍心知外諫

差

時韓文以  
外諫去

委蛇安社稷著述廢淫哇文獻今何在高瞻北

斗斜

一臥湖山外崢嶸歲月深功名蟬翼薄簡帙蠹魚侵潦倒三

千首精誠一寸心古人前不見江上獨登臨



同段起山譚右夔遊開福寺

郭北尋蕭寺齋鐘隔樹迎平疇秋草遠一徑夕陽明佛殿梁  
穿鳥僧房子落枰何年歸白社談笑共題名

瀟湘夜雨

陳士雅

渺渺魚龍夜煙波帶雨流鐘聲沈遠岫客夢醒孤舟空憶山  
僧炬誰知帝子愁杜蘭香不散幽意咽汀洲

洞庭秋月

萬古秋中月溶溶滿洞庭人閒無此境何處望仙靈波浸露  
華白天涵空影青君山渾不礙縹緲一峯停

遠浦歸帆

一片風帆影迷離湘水濱最憐驚望眼遙指有歸人客鬢催

長沙縣志

卷之三十五

藝文二

二十

將老鄉音近漸親那知魂夢苦幾度越煙津

平沙落雁

灑落到湘涯飛飛雁集沙關山休悵別雲水卽爲家影掠寒  
煙下行分晚照斜江湖自珍重聊可避諠譁

煙寺晚鐘

煙暝不知寺疏鐘煙外飛山深秋葉落人靜佛燈微宿鳥因  
風警高僧待月歸聲聞竟何有趺坐掩巖扉

漁村夕照

江上漁家住江潭夕景通一村煙繞碧兩岸樹浮紅低啄梁  
閒鳥微腥水面風北鄰有高士收釣月明中

山市晴嵐



小市息塵氛清嵐望不分花香連野館日氣淡江濱問渡衣  
沾翠開門犬吠雲屠沽風亦古人語洞天聞

### 江天暮雪

莫辨清江暮蒼茫雪色俱水天迷近遠雲樹到空無畫舫吟  
魂冷煙蓑釣客孤誰能賦招隱脈脈見真吾

### 新秋感興

五首之一

楊和春

香案曾爲吏翛然鶴立羣但爲知己道未許外人聞鳳宿千  
年樹鵬扶萬里雲狂歌辭夏日爲和鮑參軍

### 送友歸湘陰

歸思逐飛鴻蕭疏古道中江心漁戲浪驛路馬嘶風孤客行  
翻止故人西復東可憐離別地夢繞一燈紅

### 長沙縣志

卷之三十五

藝文二

三

### 尖山

陳士松

突兀卓平蕪高標寒翠孤雨收百里淨日落一峯扶錐畫西  
漢玉筆敲北斗珠秀靈攬不及倒影入湘湖

### 社日寄從弟汝清

三十首錄二

淑景朝朝異村歌處處同徘徊紅杏月搖曳綠楊風隨伴開  
殘帙無心逐轉蓬西堂一尊酒難與共治聾

### 百年趨

紫禁一枕夢黃梁鐘鼎畱鴻業林泉寄酒狂窮通關氣數心跡  
本輝光幸語凌雲客鳴珂入

### 帝鄉

將之瀏陽得何贊周書兼寄見懷詩步韻答之



孫理

別久無由見愁多是索居爲雲身未得踏雪爪終虛風雨天  
涯夢河山日暮書折梅無限意寄我及春初

疊前韻

幾年京邑路百日故園居自笑風塵慣還驚歲月虛宦情花  
在鏡行色舫餘書欲和停雲句春江放鷁初

得家書知老母於仲春抵里喜而有作 周有聲

別淚何時盡披函近少寬得歸原不惡無屋住應難幸有平  
安字能消苦恨端馳書報吾父遙計路中看

五言排律

南還湘水言懷

唐張九齡

長沙縣志

卷之三十五

藝文二

三

拙宦今何有勞歌念不成十年乖夙志一別悔前行歸去田  
園老儻來軒冕輕江閒稻正熟林裏桂初榮魚意思在藻鹿  
心懷食萃時哉苟不達取樂遂吾情

北風

杜甫

春生南國瘴氣待北風蘇向晚霾殘日初宵鼓大鑪爽攜卑  
溼地聲拔洞庭湖萬里魚龍伏三更鳥獸呼滌除貪破浪愁  
絕付摧枯執熱沈沈在凌寒往往須且知寬疾肺不敢憾危  
途再宿煩舟子衰容問僕夫今晨非盛怒便道卽長驅隱几  
看帆席雲山湧坐隅

風疾舟中伏枕書懷

呈湖南親友

軒轅休製律虞舜罷彈琴尙錯雄鳴管猶傷半死心聖賢名



古邈羈旅病年侵舟泊常依震湖平早見參如聞馬融笛若  
倚仲宣襟故國悲寒望羣雲慘歲陰水鄉霾白蜃楓岸疊青  
岑鬱鬱冬炎瘴濛濛雨滯淫鼓迎方祭鬼彈落似梟禽興盡  
纔無悶愁來遽不禁生涯相汨沒時物正蕭森疑惑尊中弩  
淹畱冠上簪牽裾驚魏帝投閣爲劉歆狂走終奚適微才謝  
所欽吾安藜作糝汝貴玉爲琛烏几重重縛鶉衣寸寸針哀  
傷同庾信述作異陳琳十暑岷山葛三霜楚戶砧叨陪錦帳  
坐久放白頭吟反樸時難遇忘機陸易沈應過數粒食得近  
四知金春草封歸恨源花費獨尋轉蓬憂悄悄行藥病涔涔  
瘞天追潘岳持危覓鄧林蹉跎翻學步感激在知音卻假蘇  
張舌高誇屈宋鐔納流迷浩汗峻址得嶽峯城府開清旭松

筠起碧潯披顏爭倩倩逸足競駸駸朗鑒存愚直皇天實照  
臨公孫仍恃險侯景未生擒書信中原闊干戈北斗深畏人  
千里并問俗九州箴戰血流仍舊軍聲動至今葛洪尸定解  
許靖力難任家事丹砂訣無成涕作霖

湖南送敬十使君適廣陵

相見各頭白其如離別何幾年一會面今日復悲歌少壯樂  
難得歲寒心匪他氣纏霜匣滿冰置玉壺多遭亂實漂泊濟  
時曾琢磨形容吾較老膽力爾誰過秋晚嶽增翠風高湖湧  
波騫騰訪知己淮海莫蹉跎

酬于侍郎湖南見寄

包佶

桂嶺千崖斷湘流一派通長沙今賈傅東海舊于公章甫今



殊俗離騷繼雅風金閨聞作字玉匣氣成虹翰墨時招侶丹  
青夙在公主恩畱左掖人望積南宮巧拙循名異浮沈顧位  
同九遷歸上略三已忍愚衷責謝庭中吏悲寬塞上翁楚材  
欣有適燕石愧無功山曉重嵐外林春苦霧中雪花翻海鶴  
波影到江楓去札頻逢信迴帆早掛空避賢方有日非敢愛  
微躬

長沙早春雪後臨湘水呈同遊諸子

劉長卿

汀洲暖漸綠煙景淡相和舉首方如此歸心豈柰何日華浮  
野雪春色染湘波北渚生芳草東風變舊柯江山古思遠後  
鳥暮情多君問漁人意滄浪自有歌

和運使修陽昇觀落成

宋吉康國

長沙縣志

卷之三十五

藝文二

十四

被命經營始鳩工結構初深巖開殿奧高廠稱樓居室外飛  
簷巘巖隈下屋渠鐘聲薄霄漢祠事走邱墟遯世誰能灑登  
高迴莫如鶴遊三島駕人望五雲車綺井風光潤疏寮月影  
舒威儀模紫極形勢鞏堪輿池有泉珠舊壇空級石餘霓旌  
那復下絳簡更誰書童子追前躅愚生泣太虛煙霞猶赫奕  
松竹自扶疏封號方連進休祥已密儲躋茲仁壽域率土慶  
于胥

湘江晚泊簡孟原僉憲

明藍明之

山秋衡霍空江晚瀟湘淨煙景淡蒼屏芙蓉肅明鏡澄波木  
葉下落日餘霞映仰聆幽鳥喧俯覲文鱗泳碧石礙輕舟蒼  
苔踏微徑林昏出樵火寺遠來僧磬景晏傷旅懷地幽慊愚



性跡慚箕穎高身際唐虞聖三秋持使節萬里奉王命恩沾  
雨露深志仗風霜勁敢辭道路遙況接才華盛靜夜發商歌  
劍光南斗並

長沙懷古

國朝黃榕亭幹

萬里流沙至南天結構殊澄湘環秀采靈麓面宏圖景物憑  
消長人文尚有無忠魂昭李蔡道脈仰張朱古碣苔封厚高  
標日照孤定王臺似岷賈傳并如壺自昔雄三楚誰言陋一  
隅放懷時獨往千載直須臾

七言律

寄杜員外

時杜寓潭州

唐郭受

新詩海內流傳久舊德朝中屬望勞郡邑地卑饒霧雨江湖

長沙縣志

卷之三十五

藝文二

三

天闊足風濤松花酒熟旁看醉蓮葉舟輕自學操春興不知  
凡幾首衡陽紙價頓能高

送楊少府貶郴州

李橙

聞到衡山與洞庭若爲秋月聽猿聲愁看北渚三湘遠惡說  
南風五兩輕青草瘴時過夏口白頭浪裏出湓城長沙不久  
留才子賈誼何須弔屈平

送李少府貶峽中王少府貶長沙

高適

嗟君此別意何如駐馬銜杯問謫居巫峽啼猿數行淚衡陽  
歸雁幾封書青楓江上秋天遠白帝城邊古木疏聖代卽今  
多雨露暫時分手莫躊躇

酬郭十五判官受

杜甫



才微歲老尙虛名臥病江湖春復生藥裏關心詩總廢花枝  
照眼句還成只同燕石能星隕自得隋珠覺夜明喬口橘洲  
風浪促繫帆何惜片時程

燕子來舟中作

湖南爲客動經春燕子銜泥兩度新舊人故園常識主如今  
社日遠看人可憐處處巢君室何異飄飄託此身暫語船檣  
還起去穿花貼水益沾巾

小寒食舟中作

佳辰強飲食猶寒隱几蕭條戴鶡冠春水船如天上坐老年  
花似霧中看娟娟戲蝶過閑幔片片輕鷗下急湍雲白山青  
萬餘里愁看直北是長安

長沙縣志

卷之三十五

藝文二

五

長沙送李十一

與子避地西康州洞庭相逢十二秋遠媿尙方曾賜履竟非  
吾土倦登樓久存膠漆應難並一辱泥塗遂晚收李杜齊名  
眞忝竊胡雲寒菊倍離憂

過賈誼故宅

劉長卿

三年謫宦此棲遲萬古惟留楚客悲秋草獨尋人去後寒林  
空見日斜時漢文有道恩猶薄湘水無情弔豈知寂寞江山  
正搖落憐君何事到天涯

潭州

李商隱

潭州官舍暮樓空今古無端入望中湘淚淺深滋竹色楚歌  
重疊怨蘭叢陶公戰艦空灘雨賈傳承塵破廟風日斷故園



人不至松醪一醉與誰同

送李評事赴潭州使幕

錢起

湖南遠去有餘情  
蘋葉初齊白芷生  
謾說簡書催物役  
遙知心賞緩王程  
興過山寺先雲到  
笑引江帆帶月行  
幕下由來貴無事  
佇聞談笑靜黎甿

過賈誼故居

戴叔倫

楚鄉卑溼歎殊方  
賦鵬人非宅已荒  
漫有長書憂漢室  
空將哀些弔沅湘  
雨餘古井生秋草  
葉盡疏林見夕陽  
過客不須頻太息  
咸陽宮殿亦淒涼

送李邀湖南書記

郎士元

長沙縣志 卷之三十五 藝文二 毛

憐君才與阮家同  
掌記能資亞相雄  
入楚豈忘看淚竹  
泊舟應自愛江楓  
誠知客夢煙波裏  
肯厭猿鳴夜雨中  
莫信衡湘書不到  
年年秋雁過巴東

湖南梅花一冬再發偶題

崔塗

湖南梅花兩度開  
直應天意別栽培  
玉爲通體依稀見  
香號返魂容易迴  
寒氣與君霜裏退  
陽和爲爾臘前來  
天桃莫倚東風勢  
調鼎何曾用不材

陪裴大夫夜讌

李羣玉

東山夜讌酒成河  
銀燭熒煌照綺羅  
四面雨聲籠笑語  
滿堂香氣泛笙歌  
泠泠玉漏初三滴  
灑灑金觴已半酌  
共向柏臺窺雅量  
澄波萬頃見天和  
春望寄涪陽故人



清明別後雨晴時極浦空顰一望眉湖畔春山煙黯黯雲中  
遠樹黑離離依微水戍聞疏鼓掩映河橋見酒旗風暖草長  
愁自醉行吟何處寄相思

秋宿湘江遇雨

譚用之

江上陰雲鎖夢魂江邊深夜舞劉琨秋風萬里芙蓉國暮雨  
千家薜荔村鄉思不堪悲橘柚旅遊誰肯重王孫漁人相見  
不相問長笛一聲歸島門

湘中送友人

李頻

中流欲暮見湘煙葦岸無窮接楚天去雁遠衝雲夢雪離人  
獨上洞庭船風波盡日依山轉星漢通霄向水懸零落梅花  
過殘腸故園歸去又新年

長沙縣志

卷之三十五

藝文二

六

覽李碑亭詩

宋張栻

荒臻日暮倚筇時歎息危亭北海碑後輩但知遵字畫當年  
不得戍邊陲豈關貝錦能成禍只恐干將不自奇杜老惜才  
千古意於今誰詠六公祠

古華山

劉錡

盡掃妖氛六合清匣中寶劍血猶腥夜觀星象鬼神泣晝會  
風雲龍虎驚重整山河歸大宋兩扶社稷復東京山僧不識  
英雄漢只管叨叨問姓名

送滕審言歸長沙

戴復古

折柳亭前送故人平沙畱得馬蹄痕雲生渡北遶行路煙起  
江南認別村慙不與君同上道歸來無伴自開尊西樓獨倚



黃昏月欲倩飛鴻寄斷魂

湘中

一棹無情度碧湘行行不脫水雲鄉旗亭少飲村醪薄田舍  
新炊晚稻香簫鼓遠來朝嶽去包籠爭出趁農忙塗人有愧  
黃居士十載看經不下堂

穀雨星沙雜詠

元 馮子振

一從結綬侍青闈幾度吹簫月下歸吳殿風薰宮鴨暖漢臺  
霜早野鷹飛帆開弱水蓬州隔局覆商山橘坐非莫詠離騷  
閒草木湘江杜若正芳菲

賦罷靈烏卻妬鴉石淙小住賈長沙梅天帖潤來禽李穀雨  
杯腥送蝎茶白髮流年真去國青春逐客更還家湘東門外

長沙縣志

卷之三十五

藝文二

五

園堪賞荷鍾相從學種瓜

買閒得地暫時情愁似春陰不放輕葦僻出門迂馬足雨多  
入夜沸蛙聲蔬嘗漸覺葷腥鄙茶起能澆醜礪平且結故山  
櫻筍社啼煙擘劃杜鵑鳴

經潭州哭李太守芾

明 楊基

丁卯科中第一人誓將孤壁障妖塵百年事業歸儒者萬里  
江山泣老臣肝膽當時紹余闕英靈此日配張巡我來近就  
船頭拜一盞寒泉薦綠蘋

贈王偉侍郎告歸

商 輅

科甲登名自少年歷官甯說古人賢賜歸獨荷先皇眷寵召  
多蒙聖主憐誓竭忠貞調鼎爾那堪疾臥林泉江湖身在



心廷闕一騎還朝早著鞭

長沙

薛瑄

明時持節按湖南澤國風煙到自諳客舫盡應依水市人家  
多是住山嵐三苗已見華風遠五嶺應知聖澤覃廊廟只今  
登俊彥不勞詞賦弔湘潭

壁間畫瀟湘八景

于謙

煙寺微茫幾杵鐘漁村斜映夕陽紅平沙落雁迷殘靄遠浦  
歸帆趁便風山市微嵐孤嶼斷江天欲雪暮雲同洞庭月色  
瀟湘雨想像陰晴似夢中

與錢太守諸公遊嶽麓寺

李東陽

嶽麓地蟠三百里羣峯將斷復崔嵬崑閭古刹依山轉谷口

長沙縣志

卷之三十五

藝文二

三

晴雲滿樹來北海書存誰問價少陵詩罷獨憐才扁舟已謝  
長江險又是怱怱一度回

危峯高瞰楚江干路在羊腸第幾盤萬樹松杉雙徑合四山  
風雨一僧寒平沙淺草連天遠落日孤城隔水看薊北湖南  
俱到眼鷓鴣聲裏獨憑欄

水陸寺

廖道南

尋幽爲訪雲邊寺乘興還臨河上洲萬里乾坤此江水三湘  
煙雨共誰舟懷沙不盡靈均恨許國誰堪賈傅憂馳檄近聞  
多戰騎銜杯那復對沙鷗

閏五月五日過湘江觀競渡有作

林失名

江雲倚棹渡三湘水陸兼程盡日忙茅屋亂煙經雨溼竹林



清露帶風香屈原舟上江花白賈誼祠前樹色蒼弔古懷鄉  
倍惆悵一年辜負兩端陽

舟遡湘江雜詠

蔣失名

客舟清晚遡湘川滿目山光雁影邊碧草寒波雙鷺浴白蘋  
芳渚一鷗眠磯頭石古迷荒蘚浦口帆歸帶暝煙明日衡陽  
江上路新詩題滿彩雲箋

遊湘山

蔣失名

寺背城闌客到稀白雲終日鎖禪扉幾人冒雪尋僧話何處  
凌空有錫飛西域路遙惟葬履南華歲久不傳衣三生石上  
誰同坐說著無生忘卻歸

長沙道中二首

陳宗禹

長沙縣志

卷之三十五

藝文二

三

山路<sup>紫</sup>迴草樹稠午風輕度鳥聲幽禾苗盡秀初逢雨衫葛  
微涼早報秋旅店曲隨流水轉戍樓高傍暮雲浮更聞此地  
民淳樸女織男耕夜不休

幾年鄉郡說潭州旌節今來亦壯遊青嶂近收衡嶽雨滄波  
遙接洞庭秋誰家簾幙朱垂地到處菑畬綠滿疇幸是聖明  
文化久夜深閭巷有歌謳

送盛斯徵赴長沙

徐禎卿

昔愁越嶲千峯仄轉入巴渝萬里賒豈料聖恩憐賈誼猶煩  
郡佐出長沙蠻中瘴遠三湘水江畔春紅十月花遙聽岳陽  
樓上笛可能回首憶京華

紫微瑞日

羅懋



日上扶桑海氣紅紫微山色出鴻濛瑤瑤飛灑泉聲碎翡翠  
凝寒樹影重鴉帶曙光來曠野雁拖秋色過晴空八紘洞徹  
清虛處彷彿蓬萊第一峯

湘山寺

劉瓚

選勝甯辭跋涉難南遊吳楚到名山危樓勢聳重霄麗密樹  
陰濃六月寒衲子談經頑石動騷人潑墨浪花翻何時車蓋  
重過此笑解腰閒玉帶還

文星閣卽事

萬建章

岩巖傑閣俯層巒此日登臨亦壯觀衡嶽遠連千嶂曉湘波  
遙帶一溪寒文章自古通天象簪綬休勞問考槃北望中原  
頻指點五雲深處是長安

長沙縣志

卷之三十五

藝文二

三

吉藩安宴

文士昂

開筵樂奏動流霞殿上珠明映絳紗天子周京分寶玉親王  
南國宴皇華龍珍香起麋鸞美琥珀光生鵲尾斜感激帝臣  
無寸報願將樂善奏長沙

雷山清隱

陳警

昔人曾見漁雷澤君向雷山結隱居臘盡野梅和雨摘春來  
山藥帶雲鋤孤琴候客松蘿逕古鼎焚香竹石除老爾沙田  
隱君子夜深無夢到金魚

望陽昇觀諸山

陳廷燧

悵望仙山何處是白雲天際見蓬萊尋山有路從頭問三十  
六峯當面來流水浮花歸洞府清風隨客上天臺松閒若有



盧敖出不惜殷勤送酒杯

碧洲芳渡

龍應河

綠波曲曲帶湘煙汀渚雙分燕尾連夾水雲山光四合一城樓樹影孤懸片帆斜受波閒日短棹頻開水底天惆悵東郊回首處歸人爭喚釣魚船

送馬公順視學湖南

何景明

洞庭雲夢眼中寬襄國荆門掌上看三楚樓臺皆壯麗萬年江漢自波瀾煙花白日空愁暮鴻雁青春尙避寒莫道秦川歸未得人閒同日路行難

退食感懷

蔡道憲

旅亭錯認是吾家躑躅無聲照碧紗種菜已抽三尺笋培桃

長沙縣志

卷之三十五

藝文二

三

爭落一庭花此閒老母應頻夢獨自傷心在散衙記得春前爲別語歸來慎勿久長沙

湘上感懷

霜林亦當好花開楓竹離披靜可栽碧玉愁多難著酒臙脂染誤不妝梅山中尙有眠初起歲暮更容春薄來欲翦湘東波一片故園雪後卽莓苔

弔蔡忠烈公

吳應台

翠柏森森映碧渠孤臣遺祀古城墟哭將賈傅同遺策揖就靈均共卜居香骨縱埋卑溼地丹心常照汗青書男兒幾箇眞忠死一笑風前竟自如

湘江懷古

羅洪先



秋風江上易生悲寂寞寒流去欲遲漢室幾人憂賈傅楚狂  
今日弔湘纍長沙地近家誰識漁父歌殘舟自移總爲天涯  
多往事至今斑竹尙低垂

開福寺

翟瓚

梵宇初晴二月天漢朝宮殿楚江邊青林背日雙僧出翠壁  
含風萬佛懸鹿苑驚沙風黯黯蓮花拱水故娟娟遠公客至  
開方丈漫索詩篇問草元

嶽麓書院廢址

黃學謙

萬壑空青開地勝斯文鄒魯此同區秋風盡日松無主涸澗  
何年蝸亦枯遺像恰同山鬼嘯荒碑殘賸石龜趺雲峯誰破  
蒿萊色莫使黃陵叫鷓鴣

長沙縣志

卷之三十五

藝文二

三

尊經閣望嶽麓

周生文

故國嵐煙別幾秋偶依文苑當山遊白雲出洞看成變黃卷  
飛灰痛未收神禹碑前巢野鶴李邕亭下臥羣麀老僧不解  
興亡事夜夜敲鐘上草樓

正月朔六日款晏明府於瞿園

莊天合

草色青春引絳騶山中聊倩白雲留青絲不道傳纖手綠蟻  
差堪醉杖頭玉樹歌翻金谷水梅花香繞木蘭舟明朝人日  
應難別更待仙鳧十二樓

三月十六日款陸津楊公祖於瞿園

雨灑池臺紫翠重旌旗花裏亂豐茸自慚日下非荀鶴已幸  
雲閒接士龍曲引陽春林鳥度杯浮竹葉澗泉供渾忘候吏



催車馬迢遞山城起暮鐘

竹裏行廚晚更移樓船簫鼓御憑夷拍隄春水浮煙棹夾岸  
桃花映酒卮河上仙人看並渡武陵漁父笑相期湖南亦有  
山翁賞誰道風流是習池

十一日趙兩同昆季攜酒偕瞿養所共酌雨至有述作  
爲愛幽棲足晝眠美人相問出華筵由來趙氏稱雙壁況有  
瞿童是列仙樹影流雲沾席上溪回鳴雨過尊前酒酣一曲  
清平調散作秋聲滿洞天

夜泛

燭散平臺酒半曛池心泛月滿全分波含秋氣清如水風捲  
歌聲響入雲客似山陰乘夜色槎疑海上動天文相攜枕藉

長沙縣志

卷之三十五

藝文二

三

忘歸去遮莫鄰雞醉裏聞

辛丑臘月十日承蓬崖雲巖過羅洋先塋次韻

蕭禹臣

景入羅洋翠靄披高人乘興畫舫移仙蹤漠漠煙霞遠蒼蘚  
涓涓夜月遲鷗鷺自憐棲澗渚鷓鴣行喜近天池長懷祿養  
嗟無及縱有黃焚不是奇

羅洋山房卽事

山城日霽雨初收雲樹依稀野色幽靈谷煙深漁舍遠湘江  
水漲鷺鷗浮水田處處看苗碩茆屋家家指麥秋歲月無端  
華髮變斜陽獨立不勝愁

喜罷織造

國朝 趙開心



蘭卜郊原聽踏歌詔遺春布意如何桑田非復波臣貢緯恤  
無憂織女梭新渙綵綸昭日月好持節儉挽江河從今曳地  
宮衣少四野機聲軋軋多

九日登岐山

胡爾愷

空林鳥語疑無路忽聽鐘聲到上方鱸膾逢秋輸隱遯黃花  
酌酒傲羲皇賞心自是同元亮採藥何須慕阮郎耳熱豪吟  
爭落紙罰依金谷有三章

己亥除夕簡張邑侯

彭而述

短鬢蕭疏年復年潭州風物總淒然千門雨雪當今夕百戰  
關山滯楚天周竈南來空繫馬張衡老去未歸田還憐萬里  
沙場遠有客明春更著鞭

長沙縣志

卷之三十五

藝文二

三

寄懷長沙學博胡聽巖

金德嘉

洞庭我昔乘孤艇城郭登臨意渺茫地湧瀟湘供屈宋天畱  
嶽麓待朱張赤松壇上蒼煙繞青草湖邊白練長拙宦故人  
偏有此擁書萬卷一茅堂

湘山寺

曹之黃

野外晴雲迴不還湘山幾日草堂閒曾攜孤閣煙中月共覽  
春溪雨後山僧度石橋歸合澗花飛雙蝶戲重灣知君禾黍  
登場日秋意蕭蕭獨閉關

平沙落雁

八首錄二

張璿

征鴻消息近何如爲愛江聲傍水居  
唳盡秋風心事遠啄殘菰米稻梁餘  
瑤琴每欲窺雲陣錦字無由蝕蠹魚  
極目關河



千萬里衡陽應不滯鄉書

煙寺晚鐘

何來清響度高峯知隔滄江第幾重天外早應催落雁雲中  
雅合吼潛龍一林黃葉聲相送數疊青山徑自封鐘定忽聽  
幽籟起回看絕頂是蒼松

晚憩開福寺用壁間韻

王仕雲

招提宏敞大江邊選勝還疑結夙緣樹老青巖頻礙月花深  
白社但聞泉繩牀石几如相假野火龕燈共一然堪笑塵蹤  
成底事好拋生計學逃禪

同諸寅丈遊開福寺

胡壯生

秋入長沙氣更增上方深處羨枯僧吟詩興待虛堂月濟世

長沙縣志

卷之三十五

藝文一

七

心依退院燈孤塔勢浮蒼靄外疏鐘聲度白雲層過江我欲  
尋黃獨嶽麓山高好共登

同諸子泛舟湘上

嚴 珽

世事原同一葉舟秋聲無際撲湘流青山到眼如奔馬白水  
同盟欲問鷗酒爲西風吹鬢醒人憐舊雨破鄉愁茱萸插遍  
催歸櫂遙見疏煙出畫樓

登北門開福寺觀音閣

唐世徵

窗外江峯峯外雲偶登高閣瞰江濱客來佛地搜奇句鳥愛  
名山戀夕曛南楚人煙歸淨域北城官騎掃遊氛橘洲西望  
繁林密蘚徑遙疑積翠分

過故宮

江有溶



崢嶸南服此山川茅土於今二百年戎馬銷殘淒故鬼谷山  
迴望剩荒田粵中帝子悲華表水底王孫泣杜鵑吉王走粵  
世子溺水  
縱使劫灰燒欲盡香花不散是宮煙

春日同杜振公登開福寺後閣

徐則論

良辰相約散春愁近郭輕裾各自由百戰巖都餘寶地千年

勝建照湘州

寺建自五代馬氏

卻尋幽徑還穿水爲惹閒情怯上樓

淮北漢東俱在眼白雲飛鳥共悠悠

辛酉北上舟泊三叉磯

征帆纔掛且逡巡日下風雲及早春觀國久慚天下士過閭  
暫見隔年人空湘靈怪多時冷孤舸形神此夜親水際山垠  
憑一宿可能書上便畱秦

長沙縣志

卷之三十五

藝文二

三

開福寺

朱前詒

蘭若幽深曲徑通秋飈招隱步林叢到來定衲閑清磬聽去  
歸潮趁晚風新竹繞廊迎面綠高霞映水入眸紅不堪興廢  
驚林谷卻喜招提伴翠峯

春日友人招遊泐潭寺

陳綸

春明山色媚晴空杖底風光自不同綠柳幾行飛翠羽紅亭  
十里駐花驄情高纔飲心先醉興愜何妨句未工領略招提  
千載勝夕陽歸送晚煙中

泐潭寺

王鵬展

泐石嵯峨燦尙方潭州人話舊滄桑寺連城市皈依眾僧入  
繁華道念長飛錫占山情漫切乘杯泛海意徒忙但能了得



無生義何必匡廬更擅場

冬日遊開福寺

李佐

漫遊甯畏朔風狂踏破深林上戒堂樹色尙連湘水綠燒痕  
疑帶陣雲黃啣花鹿自遊仙界酌酒人誰泛羽觴還約春明  
晴月上夢迴高閣聽滄浪

開福寺次韻

胡茂

月湖斜照水拖藍倒影樓臺一鏡涵天送青山來閣外

寺中有圓

通閣故云

鳥銜黃葉度湘南江聲浩浩塵沙洗詩思茫茫勝境探

不盡浮生棲隱意欲招惠遠更停驂

長沙故宮

駱化麟

燕子何須問畫梁故宮瓦盡散鴛鴦萬春池上花俱沒三洞

長沙縣志

卷之三十五

藝文二

三

山頭石自僵永巷無人吹玉笛斷牆有鬼泣香囊幾多歌舞

承恩寵輪與妖魔作戲場

秋日祭江神廟禮畢登樓眺遠因成長句

周人驥

浩蕩平沙認橘洲香煙焚罷快登樓三閭人去空江冷八月  
霜前落雁秋檻外蒲帆趨遠勢雲中煙樹鎖深愁相傳此是  
神仙窟巨浪排空天地浮

長沙早春

張鳴珂

東君吹綠到長沙驢背尋春問酒家飛虎寨前雲乍暖老龍  
潭上草初芽學妝柳態鵝黃拂新沐山容翠黛賒士女忍冬  
休抱恨條風早已布湘涯

感懷

鄧士錦



郎當袖舞總迂疏桑柘園荒一畝居灑雅韻還追白傅模稜  
句敢並黃初鞠通有響皆沈蛙脈望逢仙始化魚循吏偶然  
供職後肯教雞肋味無餘

八景臺

李嗣昌

一望江山翠欲流幾行鷗鷺下汀洲征帆縹緲來波面漁火  
參差出岸頭市繞晴嵐煙靄樹雲收夜雨月涵秋丹青誰寫  
瀟湘景空上高臺縱遠眸

遊嶽麓

羅源漢

十年風雨契名山挈伴尋遊一解顏竟日羊腸穿積雪中天  
鳥蹟鎖苔斑秋清水落三洲出城遠鱗鋪半壁環千里望衡  
先望麓相將七二數雲鬟

長沙縣志

卷之三十五

藝文二

早

湘山春望二首

謝良琦

枯桑海水共颼颼日瘦天荒氣似秋城裏樓臺非舊戶山中  
花鳥失同遊流亡不盡丹青淚蕭瑟空生禾黍愁今夜原頭  
共凝望陰風吹火滿汀洲

亂離今有幾家存破帽單衫見淚痕長劍沈吟歌往日空山  
風雨誦招魂貧窮到骨無雞犬戎馬何心問子孫莫上春原  
高處望白楊青草易黃昏

長沙偶成

周龍光

長沙秋盡雁鴻聲懷古無端動旅情嶽麓煙霞朝百變湘江  
風雨夜三更空灘我亦思陶侃破廟誰來弔賈生卻羨洞庭  
歸棹好幾時東下洛陽城



長沙懷古

周宣智

金風瑟瑟助長嗟萬古淒清楚水涯廢井苔深懷太傅荒陵  
日暮弔重華不堪夜靜啼歸雁那忍秋陰噪晚鴉憑弔湘江  
無限意荻蘆幾點亂殘花

湘江晚眺

柳彙生

八月湖湘水倍清等閒無事傍江行漁船兒女斜陽飯竹塢  
村莊好鳥聲酒不論錢知秫賤山多聳翠趁天晴巖頭叢桂  
應初放明日探幽杖履輕

趙大中丞擇地建江神廟恭次元韻

霓旌曉發簇雲霞共沐仁風雨露賒擬報安瀾隆嶽瀆更緣  
保赤問桑麻隨車屬吏窺冰鑑渚飛鴻戲錦沙自是

長沙縣志

卷之三十五

藝文二

望

聖朝無闕事畫船簫鼓醉江花

屈平祠懷古

張應塾

誰令魚腹葬孤忠渺渺湘波怨不窮朝裏衣冠誰大雅江邊  
星斗淡寒空蘭香終古生幽韻山鬼深宵咽冷風太息蛾眉  
偏善妬當年天問幾曾通

賈公井

故宅無存井半荒當年誰共逐臣傷僂身晁錯空籌策白首  
馮唐老作郎莫怪吞聲悲鵬鳥可憐流涕弔沅湘漢文畢竟  
爲中主禮樂脩明惜未遑

禹碑

高拔

禹王亭畔草離離蠟屐捫蘿取徑危自昔神功畱楚澤至今



遺蹟寄湘湄光懸日月磨奇字氣挾雲嵐護古碑竟日手摹  
峒嶺下秋風蘭澗步遲遲

訪賈太傅故宅

左之瀚

卑溼猶聞太息餘至今遺宅久荒蕪近依宣室酬前席遠伴  
靈均共卜居古井自涵清絕影空牆誰寫治安書從來官署  
皆傳舍誰似先生萬古廬

洞庭秋泛

駱化麟

卻泛重湖瞰四邊好憑蘭漿盪盪空煙清秋玉笛橫幽韻太液  
金丸浴遠天潦倒親朋悲井里艱難身世愧神仙今宵一棹  
知何處儻有魚龍伴枕眠

奉和侯樸菴父師飄屋原韻

趙而愷

長沙縣志

卷之三十五

藝文二

聖

狂風吹雨楚城西一徑黃花葬紫泥石砌亂尋高士傳草堂  
莫問故人題藩籬盡徹四天迴門徑無遮五嶽低畱得霜林  
驕客醉雙柑斗酒尙堪攜

武岡何嘯庵阻雪榔梨市愁不及送先有此作

廖元度

忽從身世感依棲燕子無家冷雪泥有客偶牽船上下故人  
愁隔水東西心知夢繞山陰道時怯春深杜宇啼厚意至今  
都未報南湖莫遣草萋萋

贈魏四南懷

短褐長吟接曉昏玉山何幸照江門生緣鸞鶴多奇翼種就  
芙蓉別有村濁酒肯來尋妙理高文不愧得重論近聞鐵網



彌江海珍重珊瑚奉至尊

賈太傅故宅

屈大夫合祠

閻世亨

卑溼長聞萬古嗟  
洛陽年少悵天涯  
遺文痛哭關心淚  
舊井淒清照眼花  
賦弔湘江憐杜芷  
神依騷客結煙霞  
庚寅自是聯庚子  
石上三生問法華

謁蔡江門先生墓

步暑城隅更向東  
崔嵬高塚嘯薰風  
魂飛南國湘流潔  
氣挺西山麓寺空  
碧血熒熒霜並烈  
丹心炯炯日爭紅  
先民賣國慚何極  
義僕還欣似沈忠

讀禹碑

閻昇

春泉盥手拂莓苔  
千載沈光破霧開  
斑駁長留太古色  
盤挈

長沙縣志

卷之三十五

藝文二

聖

早作籀書胎  
光懸日月窺神物  
筆捲雲煙識聖裁  
浪說潘何孰古蹟  
龍文定不付秦灰

秋日登嶽麓

危峯雄踞古城西  
半壁煙蘿四望迷  
秋浦帆連江面窄  
衡雲雁下楚山低  
講堂浙瀝悲風雨  
古寺離奇映斗奎  
仰止芳蹤無限憾  
晴霞冉冉素琴攜

山居

楊嗣震

年來小隱託山居  
笑買山翁十畝餘  
雨過小園堪種竹  
水盈方沼得秧魚  
忘機野鳥廚餐飯  
習靜飛花案點書  
向晚嵐煙看欲盡  
一灣明月上窗虛

秋日返長沙畱別廣陵親友

二首

趙永懷



西風衰柳古城邊酒盡河橋各黯然世上若無離別事江干  
應少往來船還家路遠三千里分袂情深十九年回首濤聲  
清夜月疏鐘打破廣陵煙  
煙雲嶽麓愛朝暉舟近銅官家不違黃葉村連紅葉墅黑頭  
人到白頭歸乍看幼子疑生客遠見長松識舊扉收拾絲綸  
尋釣叟羅洋山下赤鱗肥

湘江雜作

彭蠡

蕭蕭野竹塞江村不見當年涕淚痕瘦影出崖分水色斜風  
吹浪灌山根幾莖寒玉高僧杖一望蒼煙帝女魂歌哭從來  
多古意好畱孤艇臥黃昏

長沙舟中

張埴

長沙縣志

卷之三十五

藝文二

四

望中煙火近長沙百里鄉關路未賒應召早年輕賦鵬收楡  
遲暮當看花鷗浮遠渚驚蘭漿漁唱前灣泊酒家傍晚暫維  
江廟宿夕陽西去帶餘霞

陶公祠懷古

運甓從知保令名英雄心事最分明防江那用邾城戍種柳  
爭誇太尉營肝膽祇期酬晉室敦槃何必狎齊盟蕭條舊壘  
湘天冷愁見寒鴉向晚鳴

過城北故肄業處

徐瓚芳

耕犁澤澤草芊芊憶此曾經侍講筵絳帳立殘三尺雪青燈  
聽罷五更鶻哲人已去餘黃土畫棟無存只野田策馬徘徊  
天欲晚低垂霜鬢淚如泉



湘江泛舟遣興

楊枝費

片席乘風學浪遊披襟看盡楚天秋啼鴉怕惹湘妃恨擊楫  
難消屈子愁雲護青山誰小隱江空黃葉自中流鐘聲盪處  
涼痕晚古木蒼煙是橘洲

道鄉臺懷古步韻

徐瑞元

層巒矗處有荒臺萬里孤臣一水隈嵐氣不消僧炬去春光  
偏上古碑來湘江風雨年年在嶽麓晴雲日日陪過客不須  
愁客逐千秋俎豆尙徘徊

過洞庭

趙而忭

舟入巴陵一夜天客心無影不孤懸妍波到晚平如鏡落葉  
隨帆疾似弦看去煙中生日月翻疑樓外少山川前行青草

長沙縣志

卷之三十五

藝文二

巽

名相續穩得秋光載半船

送周素菴返長沙

許王猷

昔從靈麓泛舟行遙企高風信有情夢入江湖嗤幻影人緣  
老大淡浮名相逢酌酒何須醉有子能文快此生羈旅別懷  
誰更劇故園松菊待尋盟

長沙秋日雜感用杜韻

阮學浩

客夢經秋遶故林南湘煙景氣蕭森江城雨霽朝如拭庭樹  
風低晝易陰閑裏敢論天下事就中誰具古人心從來卑溼  
長沙地棖觸愁懷萬戶砧

攜五六諸男登圭峯

李芳發

住近圭山世業長登臨老去興猶狂孤峯銳起躬桓秀眾岫



聯翩孫子行千里日窮應更上五雲身近好回翔殷勤爲囑  
家聲舊聳壑昂霄貴自強

登長沙城

黃明懿

高城落日盪春愁極目眞同象外遊嶺嶠白雲思骨肉江天  
烏帽憶朋儔放懷人共湖山遠覽勝情同湘水流嶽麓晴光  
開野色寒梅香散滿孤洲

瀟湘夜雨

李大本

嶽雲暝合水漫漫急雨深宵聽未殘秋氣一天生遠浦江聲  
千丈咽清湍筠林細火漁歌寂蘆葉孤舟客夢寒獨羨徜徉  
蓼苳叟煙波閒臥枕綸竿

洞庭秋月

長沙縣志

卷之三十五

藝文二

吳

神女珠浮晃太清流金澗灑盪虛明孤光滿載煙波舫涼色  
斜侵水國城鶴鶴翔還織翳淨魚龍臥寂細濤平片雲疑有  
飛仙度長遞湖天玉笛聲

平沙落雁

關塞迢遙歷曉霜楚雲深度入瀟湘斷行暫託秋沙白遠岸  
低投夕照黃涼影靜棲俚水氣殘更孤唳警江光南來蹤跡  
多清潔肯藉湖田足稻粱

遠浦歸帆

百粵南經七澤東蒲颿幾幅展遙空春江淡送桃花雨秋水  
閒拖荻葉風斜日影從歸鳥斷長汀勢轉暮煙籠征途曲折  
關心記人倚江樓望未窮



煙寺晚鐘

化城杳靄紫峯橫  
林麓鏗然暮吼鯨  
巖畔聽從猿嘯寂  
松梢分與鶴音清  
浮雲下界惺禪意  
明月中宵澹旅情  
淒絕湖風吹已散  
霜天寒角一聲聲

漁村夕照

鷓鴣斂翼傍晴沙  
釣罷江村日已斜  
赤鯉換將醅酒扁舟  
維就荻蘆花數聲  
短笛催山照一曲  
清歌合水涯  
醉返柴門人影散  
明霞千樹集歸鴉

江天暮雪

彤雲低結水冥冥  
四望精瑩醉眼醒  
野岸梅花尋已遍  
寒江葦葉釣初停  
暝浮浩落迷鷗影  
暗度翩躚壓鶴翎  
湘瑟韻閒

長沙縣志

卷之三十五

藝文二

七

雲水渺全遮江上數峯青

山市晴嵐

浮空冷翠淡催詩  
隔市遙看景最奇  
微靄半空攢隱約  
輕煙萬井合迷離  
晴翻鴉陣飄無定  
霽繞虹橋駐忽移  
林壑蒼茫供小隱  
斂錢何待買山時

烏山

王文清

石梯危徑幾人過  
引我尋高仗薜蘿  
日落寒煙歸寺院  
天空宿霧戀山阿  
渴呼峯頂寒泉出  
俯拾平原沃壤多  
極目長沙秋色遠  
祝融吹葉下湘波

定王臺懷古

登臨遠眺客心愁  
夜月寒幃幾度秋  
臺榭已同湘水渺  
孝思



恆在嶽峯頭白雲嶺畔猿聲斷綠樹池邊鵲淚流寂歷荒煙  
無限恨古人陟屺與同遊

初夏出郊

羅源浩

柴扉一掩動經春偶出郊原觸目新幾處水田青刺稻誰家  
版屋綠抽筠蹇衣破帽忘今我驅犢行塍識故人濁酒前村  
逢饁餉綠楊風裏踏歌頻

壽趙環莊八十

集唐

閒情將欲傲簪裾劉兼不必門多長者車司空圖白首放歌須縱

酒杜甫黃金散盡為收書呂巖尚存湖海當年氣來鵬方說煙霞不

定居張蟾試看懸弧開畫錦趙收交梨火棗味何如羅隱

平沙落雁

陳益

長沙縣志 卷之三十五 藝文二

巽

西風殘月冷蘆花北雁南賓帶影斜只見數行來背水不知  
先到即為家青天有紙惟畱篆碧岸尋蹤更畫沙落照圖中  
羣已亂餘聲嘹唳半湘涯

江天暮雪

陳雲峯

照眼寒光分外明楚天緯繡玉苗生六花奇翦空江勝萬壑  
平鋪不夜城寫到水雲真一色聽來香韻寂無聲寒宵雁影  
衝煙處月下玻璃近幾更

舟發長沙遇風泊水陸洲

周宣武

朝來飛鷁破滄溟絕渚衝濤泊綠汀遠水連天雲湧白狂風  
走石霧翻青情閒悶擁書千卷腰瘦愁懸帶萬釘悵望同舟  
何處駐遙占鴉語細丁甯



梯雲樓晚眺

野閣臨江興自幽，開窗清絕縱雙眸。  
長橋柳簇嵐如帶，小榻雲生月上樓。  
映几山山峯削玉，環軒曲曲水鳴球。  
一尊徒倚人將醉，卻喜撚鬚興味悠。

醉泛湘江

林廷試

醉向煙波一櫂俱，涼風近覺響菰蒲。  
數聲漁唱清難寫，幾點山容翠欲鋪。  
嶽麓雲深舟語隔，巴陵天遠客心孤。  
酩酊顏不盡臨流，想眼底空明比鑑湖。

寄彭海嶽丈人

楊和春

昔年山館記同遊，白草黃花碧樹秋。  
照眼葡萄經雨熟，落鬚蓮子待霜收。  
燈前聽話多奇夜，案上吟詩減別愁。  
此際離魂

長沙縣志

卷之三十五

藝文二

巽

空引領林橋，三月水西樓。

偕同人登鐵柱浮圖

陳士雅

振衣翹首接飛仙，磴道梯危一柱懸。  
南國風標臨大地，北門銷鑰鎮中天。  
雲低碧落空江外，翠靄蒼梧夕照邊。  
瓴甃近勞臺鼎建，神功支柱幾多年。

射蛟臺懷古

楊照徽

城西一帶水煙斜，不見蛟臺見物華。  
嶽麓晴峯山翠積，瀟湘晚浦月明賒。  
千年妖骨埋芳草，十畝林皋繡野花。  
都督遺聲今尚在，禹碑同此照幽霞。

偕友人遊泐潭寺

十首之二

張正旭

古寺登臨慣，久稽山城水郭遶。  
荒畦懶尋詩社人，拚醉喜得



花叢烏勸提飲到濃時雄劍躍雨將過處斷虹低名韉利鑊  
誰羈鬣色相空空任品題

歸來散步倩餘曛髣髴蓮池灑俗氛潭影倒盤凌漢樹梵音  
高人盪胸雲肯教白傅空前後且借青山拓見聞勝地悠悠  
人跡少惟欣風月與平分

謁濂溪閣

孫理

誰能異代挹光風尋樂真堪續聖功濂水千秋尊的派月岩  
一線屬神工新移草帶先春綠補種蓮花映日紅精密恕嚴  
遺教在溪毛欲薦意無窮

庚戌初春北行

周有聲

瑣闌青綾夢久荒十年傀儡又登場定知隴壑應騰笑饒有  
長沙縣志 卷之三十五 藝文二 辛  
風花可助狂度積總慚知道馬補牢難覓已亡羊春煙一桁  
隨流水從此燕雲是故鄉

秋日遊多福寺

羅辰

偶到禪關結靜緣桐陰涼趁早秋天孤城欲雨松聲動石磴  
挈雲竹徑連磨杵功深難學佛點金術盡嬾求仙偷閒且製  
延齡酒瞥見黃花異樣鮮

多福寺之上山人構屋巖畔有作

捫葛攀藤膝著頤登天難是到門時酒能養拙人誰醉詩可  
消閒佛豈知道力深時多冷淡世情疏處易乖離種梅且待  
寒花發寄語山靈好護持

烏山寺

羅鑒觀



竹徑迎涼導客前披襟剛趁午陰天鳥窺曲檻飛還卻蝶戀  
秋花影乍偏爲倒金尊勤拄杖願偕玉局共參禪當門瘦石  
頻相倚緩踏遙山撥亂煙

五言絕

再上湘江

唐柳宗元

好在湘江水今朝又上來不知從此去更遣幾年回

長沙驛前南樓感舊

海鶴一爲別存亡三十秋今來數行淚獨上驛南樓

湘中憶歸

三首

劉長卿

終日空理棹經年猶別家頃來行已遠彌覺天無涯

白雲意自深滄海夢難隔迢遞萬里帆飄飄一行客

長沙縣志

卷之三十五

藝文二

至

獨憐西江外遠寄風波裏平湖流楚天孤雁度湘水

湘川懷古

施肩吾

湘水終日流湘水昔時哭美色已成塵淚痕猶在竹

楚江懷古

殷堯藩

騷靈不可見楚些竟誰聞欲采蘋花去滄洲隔暮雲

梅隄

二首

宋張栻

亭亭隄上梅歷歷波閒影歲晚憶夫君寂寞煙渚靜

仙人冰雪姿真秀絕倫擬驛使詎知聞尋香問煙水

橘洲

小山幽桂叢歲暮靄佳色花落洞庭波秋風渺何極

三閭廟

明陳惟成



湘水流無盡江籬煙雨深古祠人罕到鶉鳩怨春林

初出湘口

二首

國朝王庭

客愁不可窮客路已千里朝來散人懷清見湘江水  
冬暖欣多晴向晚自煙雨黯然江水深孤月渺何許

尋定王臺故址

趙甯

帝子思親處層臺倚碧空至今湘上水杜宇泣殘紅

黎節婦

二首

楊嗣震

蕭蕭北渚風瑟瑟湘陵雨盡夜捲靈旗香魂在何許  
蓋棺論已定立孤良獨難可憐秋夜月猶照碧紗寒

江行早發

喻成龍

潮迴浪走沙風急雲穿樹空江悄無人帆檣出煙霧

長沙縣志

卷之三十五

藝文二

五

蕉園

熊國均

昔人長已矣空見舊園林誰識今人意徒懷萬古心

春望

譚文煥

平蕪望不極細草皆成綠煙鎖橘洲低蒼蒼惟水竹

早過長沙

歐陽一瑞

江城銜曉日煙鎖禹碑亭極目黃陵遠君山一點青

江行雜詠

張雄圖

江村逼石磯苔徑轉幽絕疑入輞川莊舟行近垞北

秋思

廖元度

秋深愁幾許落月影孤燈不識他鄉樹寒蟬鳴未曾

七言絕



潭州偶題

唐 褚遂良

遠山巒翠翠凝煙爛熳桐華二月天踏徧九衢燈火夜歸來  
月掛海棠前

渡湘江

杜審言

遲日園林悲昔遊今春花鳥作邊愁獨憐京國人南竄不似  
湘江水北流

樊將軍廟

汪遵

玉輦曾經陷楚營漢皇心怯擬休兵當時不得將軍力日月  
須分一半明

長沙失火後戲題蓮花寺

張謂

金園寶刹半長沙燒劫旁延一萬家樓殿縱隨煙焰去火中

長沙縣志

卷之三十五

藝文二

五

何處見蓮花

岳陽樓重宴別王八員外貶長沙

賈至

江路東連千里潮青雲北望紫微遙莫道巴陵湖水闊長沙  
南畔更蕭條

至潭州聞猿

李紳

昔陪天上三清客今作端州萬里人湘浦更聞猿夜嘯斷腸  
無淚可沾巾

寄衡嶽僧

釋懷素

祝融高坐對寒峯雲水昭邱幾萬重五月衲衣猶近火起來  
白鶴冷青松

湘上酬張十一功曹

韓愈



休垂絕徼千行淚其泛清湘一葉舟今日嶺猿兼越鳥可憐  
同聽不知愁

湘中

猿愁漁浦水翻波自古流傳是汨羅蘋藻滿盤無處奠空聞  
漁父扣舷歌

贈長沙讚頭陀

劉禹錫

外道邪山千萬重真言一發盡摧鋒有時明月無人夜獨向  
昭潭制惡龍

湘中憶歸

劉長卿

湘流澹澹空愁予猿啼啾啾滿南楚扁舟泊處聞此聲江客  
相看淚如雨

長沙縣志

卷之三十五

藝文二

五

早發湘中

楊憑

按節鳴笳中貴催紅旌白旆滿船開迎愁溢浦登城望西見  
荆門積水來

湘江泛舟

湘川洛浦三千里地角天涯南北遙除卻同傾百壺外不愁  
誰奈兩魂銷

夜泊湘江

郎士元

湘山木落洞庭波湘水連雲秋雁多寂寞舟中誰借問月明  
只自聽漁歌

題懷素上人草書

許瑤

志在新奇無定則古瘦灘纒半無墨醉來信手兩三行醒後



卻書書不得

長沙元門寺張璪員外壁畫

李羣玉

片石長松倚數楹  
翛然雲壑見高情  
世人只愛黃花鳥  
無處不知梁廣名

湘江秋夕

杜荀鶴

三湘月色三湘水  
浸骨寒光似練鋪  
一夜塞鴻來不住  
故鄉書信半年無

答長沙丁秀才書

僧齊己

月月使車奔帝闕  
年年貢士過荆臺  
如何三度槐花落  
未見故人攜卷來

送人往長沙

長沙縣志

卷之三十五

藝文二

五

荆門歸路指湖南  
千里風帆興可諳  
好聽鷓鴣啼雨處  
木蘭

舟晚泊春潭

湖南春日

二首

戎昱

自憐春日隔長沙  
江上無人轉憶家  
光景卻添愁思苦  
簷前數片落梅花

三湘漂寓若流萍  
萬里家鄉隔洞庭  
羈客春來心欲醉  
東風莫遣柳條青

宿湘江

九月湘江水漫流  
沙邊惟覽月華秋  
金風浦上吹黃葉  
一夜紛紛滿客舟

湘南曲



虞帝南遊不復還翠蛾幽怨水雲閒昨夜月明湘浦宿閨中  
雙珮度空山

楚吟

李商隱

湘上離宮宮上樓樓前宮畔暮江流楚天長短黃昏雨宋玉  
無愁亦自愁

湘中怨

溫庭筠

冰簟銀牀夢不成碧天如水夜雲輕雁聲遠過瀟湘去十二  
樓中月自明

送僧往湖南

雍陶

閒出東林日影斜稻苗深淺映袈裟船到湖南風浪靜可憐  
秋水照蓮花

長沙縣志

卷之三十五

藝文二

五

送吳中復鎮長沙

宋鄭獬

初登西漢文章府便領吳王第一州繞郭白雲衡嶽近滿帆  
明月洞庭秋

長沙碧湘門

陶弼

城中煙樹綠漫漫幾萬樓臺樹影閒天闊鳥行疑沒草地卑  
江勢欲沈山

長沙畱別

黃庭堅

折腳鐺中同淡粥曲腰桑下把離杯知君不是南遷客魑魅  
無情須早回

蓮花峯

朱熹

月曉風清墮白蓮世間無物敢爭妍如何今夜峯頭雪撩得



新詩續舊編

碧津曉渡

辭綱

南市津頭春水深朝陽微露影沈沈行人正是愁難渡一葉扁舟出柳陰

定王臺

元許有壬

黃葉紛飛弄蚤寒楚山湘水隔長安荒臺蔓草凝清露猶是思親淚未乾

長沙竹枝詞

六首

明李東陽

汨羅江頭春水生汨羅江上楚歌聲人間若解三閩苦水底魚龍亦有情

馬殷宮前江水流定王臺下暮雲收有井猶名賈太傅無人

長沙縣志

卷之三十五

藝文二

七

不祭李潭州

湘江女兒愁落暉湘江江上鷓鴣飛行人試看君山竹竹不成斑君始歸

戎門旗節擁南臺軍士南邊戍未回紅巾小兒齊擊鼓知是官船江上來

湘江水深天下清何如隴頭秋月明離人到此不得醉況是高樓吹笛聲

長沙少年無奈春青衫白面不生塵勸君莫向湘潭住江燕銜泥解斲人

臨湘驛夜雨

江盈科

山館支牀夢未成芭蕉葉上可憐聲圖中愛玩瀟湘雨偏是



今宵不忍聽

秋日星沙懷歸

胡統虞

湘水連雲曉未收  
征帆遠挂碧天秋  
心隨江上蘆花雨  
吹到臨沅古渡頭

春日齋居偶成

二首

莊天合

跣趺乍學小乘禪  
院靜微風自寂然  
覺後蓮花過鹿苑  
旋添爐火爇龍涎

殘雪春雲照畫屏  
間窺蒼雀下空庭  
相將學語還飛去  
似道池塘草又青

夜集黃景臺新宅題月下海棠

六首

美人無力試紅綃  
掩映蟾光色轉嬌  
可是素娥先有約  
不須

長沙縣志

卷之三十五

藝文二

美

銀燭更高燒

紛紛桃李豔朝陽  
誰似多情出晚妝  
含態迴憐開玉鏡  
窺人渾欲舞霓裳

怪底風流雅擅聲  
夜寒疏影任縱橫  
花神合在清虛殿  
不枉從來海上名

綽約天教兩鬪奇  
沈香亭畔最相宜  
非關解妬爭圓景  
應是楊妃睡足時

幾枝分彩夜光杯  
似逐纖阿按轡來  
淺笑芳蕤春自媚  
漢家虛築眺蟾臺

徙倚胡牀興不孤  
花陰零亂酒模糊  
縱教人在香霏閣  
得勝今宵樂事無



水陸寺

穀城王常濫

一洲浮泛砥湘川水國居人舊日傳自昔建功三百載春潮  
只在寺門前

大士庵

莊以臨

別是仙房倚竹林一泓寒水浸禪心花龕不動雲生座澗壑  
蕭寥誦梵音

長沙

國朝 張鵬翀

碧湘門外渺寒波欲采芙蓉奈晚何今夜黃陵廟前月茜裊  
誰唱竹枝歌

橘洲泛月

胡爾愷

疏風一舸影江樓雲凍瀟湘似不流寒澀漁船聲扣月湘城  
長沙縣志

卷之三十五

藝文二

五

無處不生秋

喬口夜泊

高層雲

玉湖流月倒涵天旅泊涼生喬口船回憶君山空翠溼湘娥  
淡埽立秋煙

石山

江有溶

小石玲瓏疊作臺旁栽紅草綠莓苔問從何處佳如許盡是  
宮中拾得來

暮至湘山寺後樹下小憩

段一騃

漫看青山暮不歸林皋畦圃水交圍孤帆猶帶斜陽去楓落  
清湘沙鳥飛

中秋雨後得月呈楊大中丞

一首

鄧士錦



淒其幾負此樓臺鎮日重陰散復來一自好詩呈月府不須絃管爲吹開

素娥深解愛中秋天上清光此日稠寶鏡乍遲知有意從來雨後更風流

長沙雜詠

熊鳴滑

芳草芊芊別有情東風吹處綠雲生長沙酒熟畱人醉不脫青衫臥月明

湘行雜詠

張雄圖

風迴棹轉夜開船兩岸星搖浪拍天臥聽漁人歌水調江村月落未成眠

初至長沙言懷兼示所屬八首

呂肅高

長沙縣志

卷之三十五

藝文二

李

一麾憶昔守廬陵

余初守江西吉安

察吏安民兩未能今日

溫綸重拜命盟心惟有一壺冰

此邦昔不乏龔黃循吏才甯問短長自愧來時騰竹馬敢言去後有甘棠

朗誦湘亭諭屬詩西山模範是吾師終身何敢忘三字暗室還須懷四知

官惟守令最親民水屋山陬歲幾巡樂利休風隨處見諸公早是過來人

畏威懷德兩無違午夜捫心肯自欺欲變民風須善教漫言他日口爲碑

讀法何妨複且詳奸頑消盡化醇良古來忠孝平常事做得



平常卽異常

愁看赤子試桁楊  
心主哀矜刑主祥  
敢說求生生不得  
自誇折獄片言良

遺澤依然秀水深

先大夫曾守袁州

吉安咫尺庇棠陰  
星沙又接袁

州壤庭訓甯忘清白箴

吉安長沙俱與袁近

巡行長沙各屬言懷

六首

有脚春能徧也無敢云臥閣惜勞軀  
隨車不用祈甘雨自有清風早戒途

政兼寬猛始稱和近日民風玩較多用猛  
何嘗爲酷吏從來瞑眩起沈疴

肯容奸猾暗相欺斬斷根株更莫疑  
非種盡鋤嘉穀秀依依

長沙縣志

卷之三十五

藝文二

空

到處快褰帷

歲登大有樂堯天雞犬無驚夜穩眠  
倉廩旣充還欲散萬家蔀屋接炊煙

鼠牙雀角計爭差勝負臨時盡悔嗟  
何似大田同婦子常將本分作生涯

自愧才非修史人心同筆直誓明神  
傳疑傳信千秋事添得

湖山氣色新

修郡志告成

寄懷

趙而怵

春放離魂無可銷痴名亦自博風謠  
月明好去翻花槩家住

橫塘第幾橋

夜泊橘洲

閻昱



偶將蹤蹟寄漁舟爲挹湘蘅沂碧流林內清鐘林外月今宵  
贏得可憐秋

平沙落雁

姚邵嶢

雁陣排空日影斜衡陽秋色到誰家湘江天晚沙痕淨知是  
蘆花是蓼花

漁村夕照

片帆斜照指江村映水蘆花正對門網得肥魚能換酒家家  
收網醉黃昏

舟泊爛柴港弔先師駱苑遊墓

舒在中

丁字灣回湖港名舟人遙指認佳城一時淚滴萋萋草無復  
洲頭鸚鵡聲

長沙縣志

卷之三十五

藝文二

三

漁村夕照

陳文遠

清湘款乃晚舟歸不掩柴扉對落暉倦倚竿綸沾一醉寒鴉  
幾點帶雲飛

煙寺晚鐘

湘江臨眺夕陽明徑鎖寒煙古寺橫一片空濛秋水外鯨鏗  
聽罷不勝情

畫梅

劉暉潭

老幹橫斜冷豔鋪幽情應得近林逋羅浮畢竟多清夢願向  
名山乞畫圖

題雁塔禪院新建樓

二首

周召南

樓居高聳避塵喧一笑拈花付白雲窗外疏煙窗裏月參禪



今合補新聞

僧房寂寞萬緣空  
午後蒲團日已紅  
閒坐不知門外事  
月明早去喚東風

過長沙口號

熊文舉

絳灌麤疏霸業成  
懷湘賦鵬太傷情  
每思夜半虛前席  
文帝猶知用賈生

題禹峯先生江邊寺

唐世徵

蒲帆遙泊暮鐘邊  
海岳人家書畫船  
清絕湖南山水裏  
無風無雨自疏煙

八景詩次米元章韻

朱滋舟

瀟湘夜雨

長沙縣志

卷之三十五

藝文二

三

涼聲悄送隔窗風  
坐對燈光似夢中  
一種鄉愁抽不盡  
忽聽殘漏響丁東

山市晴嵐

晴光浮處湧青翠  
隔市忽聞人語遙  
非霧非煙深淺色  
就中誰把酒帘招

遠浦歸帆

舟裏漁娃著布裘  
漁歌斷處晚鐘聞  
片帆飽帶風塵色  
好把江湖說與君

煙寺晚鐘

竹林深處故人逢  
回瞰山腰徑漸封  
雲裏不知新月上  
餘音猶自度層峯



漁村夕照

竹籬茅屋一番新  
曬網當門莫問津  
一笑漁郎今老大  
當年可是避秦人

洞庭秋月

飽看明月卽飛仙  
萬頃晶光護客船  
秋色橫空飄不定  
夜深還抱螭龍眠

平沙落雁

空煙無限水瀜迴  
蘆荻洲前長石苔  
嘹唳雁行沙際落  
月明還帶笛聲催

江天暮雪

朔風吹打釣魚船  
忽訝飛花欲晚天  
驢背詩心尋不得  
空江

長沙縣志

卷之三十五

藝文二

畝

相對覺悠然

陶真人廟

二首

李光寶

今日鬢眉榻尙溫  
當年肝膽世誰論  
橋邊鶴鹿歸何處  
夜聽靈鴉月一村

象馬臨河怯淺深  
雙邀返照碧雲岑  
英雄血性凡仙外  
祠畔風敲舊竹林

鐵佛寺

周有聲

一灣碧瀉功德水  
四面青分髻頂螺  
還向浮圖高處望  
秋風黃葉洞庭波

會春園

馬家父子相承日  
草創難將割據論  
一等荒寒野人屋  
不知



曾是會春園

定王臺

臺上風煙自渺茫  
臺邊草樹倍淒涼  
若令別子宜為祖  
肇祀還應及定王

賈傅井

大西門近古城邊  
太傅居鄰舊井傳  
不與閒人供濯錦  
賚寒心惻憶當年

江門墓

等閒一死付輕塵  
慷慨從容兩義成  
不許偷生人借口  
君恩母養最分明

初晴登羅洋山

陶正笏

長沙縣志

卷之三十五

藝文二

七

妙鬢雲生縹緲間  
人家深在翠微灣  
分明一幅營邱畫  
著我岩頭看遠山

樹杪湖光一片懸  
鴨頭新綠蘸春天  
南風數點蒲帆下  
散作雲藍紙上煙

詩餘

瀟湘神

二首

唐劉禹錫

湘水流湘水流九疑雲  
物至今愁君問二如何  
處所零陵香草露中秋

斑竹枝斑竹枝淚痕點  
點寄相思楚客欲聞瑤瑟  
怨瀟湘深夜月明時

長沙道中壁上婦人題字  
若有憾者用其意為賦減  
字木蘭



花

宋 辛棄疾

盈盈淚眼往日秦樓天樣遠秋月春花輸與尋常姊妹家  
水村山驛日暮行雲無氣力錦字偷裁立盡西風雁不來

碧水芳渡

浪淘沙

簡自采

短棹蓼花洲蘭芷香浮水清落岸遠江收款乃沙汀歌一曲  
驚起眠鷗 有客在山樓隔岸呼舟綠蓑青箬漱江流潦倒  
醉眠扶不起舁上船頭

長沙端午

齊天樂

闕名

疏疏幾點黃梅雨佳時又逢重午角黍包金香蒲切玉風物  
依然荆楚衫裁艾虎更釵裊朱符臂纏紅縷撲粉香綿喚風  
綾扇小窗午 沈湘人去已遠勸君休對景感時懷古謾轉

長沙縣志

卷之三十五

藝文二

奕

鶯喉輕敲象板勝讀離騷章句荷香暗度漸引入酩醕醉鄉  
深處臥聽江頭畫船喧韻鼓

長沙人日登定王臺

一萼紅

姜夔

古城陰有官梅幾許紅萼未宜簪池面冰膠牆腰雪老雪意  
還又沈沈翠藤共間穿徑竹漸笑語驚起臥沙禽野老林泉  
故王臺榭呼喚登臨 南去北來何事蕩湘雲楚水極目傷  
心朱戶黏雞金盤簇燕空歎時序侵尋記曾共西樓雅集想  
垂柳還裊萬絲金待得歸鞍到時只怕春深

潭州元日立春

慶清朝

國朝

宋 俊

楓浦雲開橘洲波靜重城細引東風瑤階積素暗香吹上簾  
櫳共喜春回紫陌正元日夙靄都空椒花頌看滿斟醺醖獸



炭初紅 遙望五雲帝闕總千門萬戶車騎從容浮湘旅食  
回首長樂疏鐘雁影衡陽偏斷鄉書猶賸舊時封西鄰近兩  
行簫管雞唱高春

長沙除夜大雪集趙明府鏡水堂

無悶

風撼瀟湘雲連嶽麓客路又當除夕看大雪橫空暗侵簷額  
鏡水堂前高會任寒勒梅梢禁春色玳筵銀燭羽觴飛度光  
浮琥珀 楚國歸未得幸託迹平原輕停遊屐聽櫪馬林鷗  
揚鑣翩翩四十明朝將近更目斷鄉關音書隔且延竝六出  
飛花吹上地衣紅溼

春日長沙郭園

沁園春

江闔

春雨三分送雨催晴小園正開信鶯兒指路筍輿堪倚鼠姑

長沙縣志

卷之三十五

藝文二

七

分隊花墅同來燭煖春融杯深酒壓笑對枝枝玉篆牌憑闌  
見文窗窈窕石徑紆迴 芳菲到處蓬萊似無數名姝擁翠  
釵愛助嬌千影絳煙齊簇淺妝半面碧露新裁洛浦還逢寶  
珠珮冷管領東皇選麗佳同游者是江東主客京兆朋儕

晚次水陸洲

念奴嬌

宋賓逢

日穿山脅看桐城落照艤舟帆卸界破湘流分碧白不盡碎  
光如瀉一葉迎濤幾人唱晚網集澄潭下聲聲欵乃前汀月  
滿方罷 欲覓橋似金黃杏同銀白空作當年話賸有漁莊  
圈綠柳一幅米家佳畫煙寺生涼晚鐘度水風月宜論價酒  
家何處且須買醉今夜

題烈婦江黃氏

金縷曲

鄭光邦



瓊樹雙清絕忽飛來罡風十丈一枝吹折欲取離絃揮別鶴  
彈不成聲嗚咽堂上有衰年白髮忍苦雖生心已死未亡人  
萬載愁腸結古井水瑤臺月 萋萋青塚清明節奈何天一  
回一拜儂心悽惻帶袖手揮刀一葉親斷珠喉濺血染三尺  
黃泉猶熱滲入朱棺真瀝與兒夫湘上賡同穴女貞樹三春  
發



編輯藝文目錄明以前編次以年代為先後 國朝分類編次

晉

晉紀十一卷隋書經籍志鄧粲著 劉勰曰春秋經傳舉例發凡自史漢以下莫有準的至鄧粲晉紀始立

條例又撮略漢魏憲章殷周雖湘州曲學亦留心典謨及安國立例乃鄧氏之規焉

元明紀十篇 注老子鄧粲著 晉書本傳曰粲以父騫有忠信言而世無知者乃著元明紀十

篇並注老子行於世

晉陽秋三十二卷唐書藝文志鄧粲著 通志案舊唐書經籍志作晉陽春秋二十二卷

長沙耆舊傳贊三卷劉彧撰 唐志作長沙耆舊邦傳 撰人里貫未詳

桓階別傳撰人姓名未詳

唐

五代史初要十傳通志略歐陽顥撰

長沙縣志 卷之三十五 藝文二 堯

藝文類聚一百卷歐陽詢等奉敕撰

書法一卷唐代叢書歐陽詢著

文泉子十卷唐書藝文志劉蛻撰 四庫全書提要曰唐志載有集十卷今逸此本僅得一卷蓋從文苑英

華諸書采出非其舊帙存備唐文之一家以見崖略云耳

山書一卷世善堂書目劉蛻撰 蛻自序余於山上著書十八篇大不復物意茫洋乎無窮自號為山書

五代

廖氏家集一卷廖匡圖著

宋

賢母錄古今家誠文獻通考孫頤著 頤字景修蘇轍序轍少而讀書見父母之戒其子者諄諄乎惟

恐不盡也嗚呼此父母之心也故父母之於子人倫之極雖其不賢及其為子言也必忠且盡况其賢者乎太常少卿長

沙孫景修少孤而教於母母賢能就其業既老而念母之心不忘為賢母錄以致其意既又集古今家誠得四十九人以



示轍曰古有為是書者而其文不完吾病焉是以為此合眾父母之心以遺天下之人庶幾有益乎轍讀之而嘆曰雖有悍子忿鬪於市莫之能止也聞父之聲則斂手而退市人之過之者亦莫不泣也慈孝之心人皆有之特患無以發之耳今是書也要將以發之與雖廣之天下可也自周公以來至於今父戒四十五母戒若干公又將廣益之未止也

春秋雜說經義考狄遵度著又有集十二卷及石室鑿

易傳十卷 本朝宰職表八卷 奏議二十一卷 外制五卷 師陶集宋史藝文志

野史三十卷孟瑜撰 玉海王應麟曰太平興國五年甲戌以孟瑜為固始主簿瑜長沙人嘗著野史三十

卷石熙載言於上而有是命

皇朝百族譜四卷直齋書錄解題丁維皋撰 陳振孫曰周益公為之序時紹興末也僅得百二十有

三家其闕遺尚多 未有能續哀集者

樂府集十卷 題解一卷劉次莊著 陳振孫曰取歷代樂府分為十九門各標其命題之意

長沙縣志 卷之三十五藝文二

法帖釋文十卷四庫全書目錄劉次莊著 曹士冕曰臨江戲魚堂帖元祐間劉次莊以家藏涪化閣帖

十卷摹刻其上除去篆尾篆題而增釋文

青囊本旨論一卷宋史藝文志 劉次莊撰

小山集宋詩紀事 劉翰著

岫雲詞一卷直齋書錄解題鍾將之著 通志案岫雲詞今未見世傳蕭湘八景浪淘沙詞八首郡縣志皆

作宋鍾世賢作世賢之名無可考 此撰岫雲之鍾將之疑即其人也

學林十卷四庫全書目錄王觀國著 提要曰書中專以辨別字體字義字音為主自六經史漢旁及諸書凡

注疏箋釋之家莫不臚列異同攷求得失引据詳洽辨析精核者十之八九南宋諸儒講考證者不過數家若觀國者亦

可謂卓然 特出矣

羣經音辨後序王觀國著

王以甯詞一卷



明

桐山詩集十卷 王偉著

幸菴行稿十二卷 彭澤著

東岡集 黃寶著

度山文集 蕭禹臣著

九邊圖考四卷 皇明拱衛錄 宗會堂圖說 考試選格

蜀東撫遺錄 魏煥著

九邊圖考注 魏煥子時用撰

青山集 楊廷相著

逸民傳 瞿繼祖著

春秋懸旨 左傳旁訓 家禮簡要 唐詩玉林 聽雨堂

長沙縣志 卷之三十五 藝文二

三

選 頤季草 陳壽麓著

用藥珍珠囊 水雲錄二卷 楊溥著

胡山樵寓集 蕭規著

安邊六策 李棠撰 李象鵬跋嘉慶年間象鵬奉 飭纂輯明鑑恭讀 御批通鑑輯覽於王崇古控馭

諸達撫綏巴噶之方論之詳矣隆慶元年諸達寇山西其年冬以崇古總督三邊會板升尊諸達為帝跳梁邊圍諸達之子錫林阿其子塔本台吉之子巴噶奈濟少育於諸達妻伊克哈敦所娶鄂爾多斯女諸達見其美奪之巴噶志率屬來歸崇古上言宜給官爵豐館餼飾輿馬以示諸達會諸達使至令巴噶服緋袍玉帶以見之諸達遂歸叛人且乞封請互市崇古條其事朝議以為不可許於時我石塘公官僉都御史極言當許狀爰疏六事以上其日修邊王公設險之義也曰足食足兵聖賢論政之旨也曰理財用人絜矩均平之道也至於權重任專運籌決勝於有明時政直挾弊源矣是舉也非崇古不能制諸祖孫之命以靖邊陲非公不能關張溶朱衡之議以堅主聽其後二十年烽火不驚宣大歸款迄於明季嗚呼誰之力也史稱公仕宦三十年以介潔著撫南贛討平韶州山賊公能使閭臣辦賊而不牽制於羣議公



之所以能辨賊也乎

鹿鳴詩集

徐騰芳著

莊學士集

莊天合著

按劍集行邊草清美堂集

譚敬承著

慘然錄七哀詩

周繼聖著

大中緯紀事續編史辨

楊德遠著

國朝

易經解

劉之基著 有傳

之基又 有傳

易經講義

文合著 有傳

易解

朱奇政著 有傳

易經待虛十五卷

楊嗣震著 有傳

長沙縣志

卷之三十五

藝文二

三

周易纂說二十卷

李光曉著 有傳

周易管窺七卷

陳梓賢著

梓賢字午橋諸生年三十遂絕

卷大禮音律考一卷躬不逮齋文集一卷愛吾廬古今詩集四卷

周易象義串解六卷

羅昌鸞著

讀易心解六卷

柳舒著

易悟八卷

初名易象管窺張華嶽著 華嶽字蓀亭

周易象義集成三卷

陳洪冠輯

周易通解十二卷

丁敘忠著 有傳

易藝舉隅四卷

陳本淦著

本淦字彥吾諸生以經術友教

易學匯覽古今解易象數諸書編纂成帙工詩賦所輯律賦搜程四卷刊行兼精醫理求治者應手輒效著有經驗良方

湘陰李概為梓行世



禹貢集注一卷 劉工詢著 有傳

詩經精義 閻世亨著 有傳

毛詩述正三十九卷 張其煥輯 其煥號星樓 萃諸家說詩精言著書行世

春秋十二公總論一卷 劉工詢著

春秋左傳鈔六卷 周禮鈔三卷 禮記鈔四卷 彭永思錄 有傳

周禮六官總論一卷 聘禮譜一卷 王大射略一卷 劉工詢著

周禮集義三卷 陳東英著 有傳

喪禮輯畧 丁宏會著 有傳

學庸解二卷 四書酌解三十卷 常鶴著 有傳

論語解四卷 經義擷芳四卷 常道治著 道治字小舉 與兄

祖洛手書 珠玉三賢兄若弟淵源 兩世友兼師語相贈 選山西知縣

長沙縣志 卷之三十五 藝文二

七經座左舉隅七卷 經解詩經一卷 熊春光著 見熊慶國傳

五經地名今考一卷 鮑世卿著

五經題解二卷 徐國與著

山海經註釋四卷 陳价英著 有傳

逸周書注二卷 王會圖詳解一卷 黃溥為著 見黃珍才傳

史斷史記難字南北史擷 周宣猷著 宣猷又著 有傳

讀史偶評二卷 彭勝桂著 勝桂又有讀 古文管見八卷 有傳

山右遺蹟考一卷 陳价英著

考古辨正 陳士雅著 有傳

希古堂雜著一卷 黃開運著

洗心篇 朱天章著 有傳



彼園雜著二卷 黃溥為著

性理釋疑一卷 養正齋隨筆一卷 樊宏昱著 有傳

志學編二卷 東銘說一卷 張承東著 有傳

學論三十二卷 資善錄二卷 左光然著 有傳

左傳人物考 移庵隨筆 魏宗衡著 有傳 孝經衍義 宗衡又著

仕途握珠一卷 彭勝桂著 以其子永思官滇而作

教民歌一卷 賓友清談瑣錄一卷 饒開翰宰廣東遂溪縣時著 有傳

教兒歌二卷 彭勝桂著 卷上下分法戒廬陵陳兩山有序

古今家訓簡存二卷 余崇本著

知務山房家訓一卷 張再升著 有傳

惠廸集一卷 余誨來著

長沙縣志 卷之三十五 藝文二 七

得身勸孝歌一卷 王步高著 有傳

閑家輯要一卷 春我山房隨筆二卷 朱載陽著 有傳

家訓約言一卷 李光黼著 有傳

渾天儀象考一卷 律呂洞源算學正宗各一卷 黃淥為著 見黃珍才傳

音律輯解一卷 侯鼎新著

借根勾股細草一卷 李錫蕃著 錫蕃字晉夫通曉算學謂西法之借根方即中法之天元一發例

得數十題皆用借根法甫脫稿而卒其中表丁取忠為梓行世

彤園集四卷 鄭玉壇著 玉壇號彤園精醫理著 書行世別有彤園本草五卷待梓

楊氏醫案一卷 楊雲瑾著

四不求人書四卷 李熙林著

證方辨集八卷 四字女規一卷 透易六壬四卷 陳熙儁著 有傳



經驗醫案備覽四卷

李昌翁著 昌翁字翼唐棄儒業醫屢著奇驗壽八十歲卒

痲痘方書四卷

彭必化著

醫燈八卷脈燈二卷痘證慈航二卷

常朝宣著

瘟疫辨義四卷

楊堯章著

新訂痘疹濟世真詮三卷

陳宏曉著

外科心法四卷

易鳳翥著

堪輿法言一卷

周樹槐著 有傳

風水論一卷

楊宜中著 論人嘗作天文地輿全圖

宜中號適亭不喜堪輿家言作是

三蕉餘話二卷

陶丙壽著

以上訓釋經史及各家雜著文

勿躁齋集

江有溶著

洞門文集

趙開心著 有傳

長沙縣志

卷之三十五

藝文二

三

且耕堂集

胡爾愷著 有傳

拾霞初草河西草

趙而愷著

孝廉船

趙而愷著 有傳

雪蕉堂集

廖元度著 有傳

平齋文集

朱奇政著 有傳

髻麓軒集

閻世亨著

古文柯椽

周宣猷著

十六種文類

周宣智著 有念詒賸紀一卷

宣智別

同懷文集

周宣智宣武宣猷宣徽宣命著

愚峯文集

周克達著

存吾文集

余廷燦著 有傳



恆德堂文稿一卷 黃楚鍾著

存存書屋文稿四卷 陳東英著

春草堂文集 陳士雅著

樓山文集二卷 常琬著

雨花堂文集一卷 陳士杜著 見陳士松傳

書堂文集三卷 劉工詢著

芹園古文一卷 劉亮雋著 工詢從子

芝庭文集三卷 周世盛著 有傳

壯曉堂文集三卷 喻世欽著

題虹堂古文存一卷 彭勝桂著

平莊小广古文贖草一卷 彭永思著 別有課兒草二卷 蕭山湯文端金釗有序

長沙縣志 卷之三十五 藝文二 五

壯學齋文集八卷 周樹槐著

青巖文鈔一卷 柳先義著 有傳

來青堂文集一卷 柳廷方著

虛谷文稿二卷 張尙懷著

觀光文集一卷 張祈澹著 有傳

受書堂文鈔二卷 張祈諤著 祈諤又有李氏蒙求補註一卷

曉園文集四卷 張再升著

止止堂文稿三卷 張宗耀著 有傳

藍田存稿 汪開科著

棣懷堂隨筆十一卷 李象鷗著 有傳

詒穀堂文稿 李象溥著 有傳



春暉堂文集一卷 陳本欽著 有傳

求多聞齋文稿三卷 郭維城著 有傳

禮耕堂文稿 戴澤三著 有傳

梅墩文集十卷 熊慶國著 有傳

畱鶯堂文稿一卷 熊瑞國著 見慶國傳

壯學堂古文二卷 熊春光著

拜石山齋古文二卷 常道滋著 道滋字次華嘗官臨武訓導縣近巖疆能以經學教授諸生多成就晚年家居著述以詩文名

槐綠齋文稿二卷 常道治著 道治又有豫東紀遊二卷

半學齋文稿三卷 黃澡為著 見黃珍才傳

希古堂文稿二卷 黃淶為著

長沙縣志 卷之三十五 藝文二

彼園文稿六卷 黃溥為著

養拙齋文稿四卷 黃灝為著 見黃珍才傳

井觀集二卷 王國才著 國才字蔚之號蘭村

思詒堂文稿一卷 羅鑑龜著

雲巖文集四卷 羅鑑觀著

愛吾廬文稿四卷 胡紫滄著 有傳

七子文稿七卷 柳啟惠之子振崧正櫬振湘振楚正架正采正林著 見啟惠傳

志學齋文集八卷 周湘黼著

存吾集 王錦英著

傳經堂文稿一卷 沈兆奎著 有傳

紫垣文鈔二卷 文汝賢著 汝賢字紫垣諸生性孝友工制藝



應星堂文稿一卷 陳熙僑著

知非堂文集 張延琇著 延琇字瓊田家貧筆耕養親以孝聞課諸弟讀書殫盡心力

含翠亭文集一卷 馮開之著

省齋文集四卷 袁楸森著 有傳

熙臺遺草一卷 黃春暉著

寡尤悔齋文集一卷 曹蔭萼著 蔭萼號蓉舫諸生別有詩集一卷

存與堂文集 熊光秘著 有傳

詒謀文集一卷 王啟源著 啟源號遠庵諸生性端慤耽經籍晚以課孫為樂故名其集日詒謀

雲菴文集一卷 譚俊蛟著

寄癡山房存餘集 陳鴻著

種璧園文集一卷 楊德溥著 德溥字心海別有詩集待梓

長沙縣志 卷之三十五 藝文二 三

享敝帚齋文集一卷 劉黼著

枏邨文集一卷 楊宜中著

以上文集

楚風補六十四卷楚詩紀二十二卷 廖元度輯

嶽遊草粵吟編覆巢集猿嘯集 廖元度著

平齋詩集 朱奇政著

詩詞雜著 劉之基著

蕉園愛竹山房詩草 熊夢昌著 有傳

菴菴小草眠雲集禾中雜咏雪舫詩鈔 周宣猷著

東岡詩賸 周有聲著

賸餘詩草二卷 劉權之著 有傳

菊邨詩鈔二卷 張應塾著 有傳



湘琳閣詩集二卷 羅源漢著 有傳

樓山詩集一卷 常琬著

松月山房詩存四卷 黃賢寶著 有傳

遊瀛草一卷 彭勝桂著

遊孔林詩草 鄭敦澤著 號采仙

平莊小广詩賸一卷 彭永思著

楚香亭詩草 鄭光邦著

曉園詩存一卷 張再升著

書堂詩鈔一卷 感知集一卷 劉工詢著

靜居軒詩鈔四卷 陳价英著 价英又有韓詩編年箋註集成十一卷

存存書屋詩稿二卷 陳東英著 有詩韻辨歧一卷 藝文二

長沙縣志 卷之三十五 五 堯

春草堂詩鈔二卷 陳士雅著

雨花堂詩集三卷 陳士杜著

逸賸草三卷 陳士松著

梨花閣合稿二卷 陳宏亮宏典著 有傳

銅仁唱和詩鈔二卷 陳亮著 亮又有綠葵紅 有傳

柳簡堂詩集二卷 孫理著 有傳

嘯廬樵唱四卷 孫竹生著 號鹿笙

籬雲草堂詩草一卷 常鶴著

四詠山房詩賸一卷 張祚倬著

蘧非詩草一卷 劉驥著 工詢之子

師竹山房詩集二卷 劉泰勳著



月塘樵唱二卷月塘書屋詩存二卷楊延亮著 有傳

薌山詩草一卷張華 嶽著

澹巖詩草一卷周時杰著 有傳

紫橋詩稿二卷林新 藻著

佩弦詩草一卷鄭敦元著 敦元號琴舟嘉慶癸酉優貢生嘗作癡先生傳以自況

孟安山人詩草鄭敦炳著 敦炳號笏堂工吟詠晚益肆力於考据之學著有郊祀明堂攷等篇

松竹軒詩草一卷毛朝 采著

墨稼軒詩集鄭敦脈著 字蓉舟

追甫詩集二卷閻其相著 其相字石可諸生論詩不好為綺語集中多悲憫之作

止止堂詩草四卷張宗 耀著

小隱巖詩集鄭敦覺著 敦覺號若樵耽吟詠十歲時有雁聲催月落雲氣逐星殘之句人傳誦之自是以藝文二

長沙縣志 卷之三十五 平

詩名其從弟敦謹為梓其集行世

禮耕堂詩草一卷滇蹟紀略樂府一卷戴澤 三著

吾村詩集一卷李光寶著 光寶號吾村乾隆辛卯以第一

卒於從兄光曉廣西官署詩文多散軼此其藏於家者

叢桂山房詩集二卷李光 補著

敬庵茶草一卷李光 黻著 光黻號敬庵諸生耄而好學七十自壽詩有一生半借書長壽之句

古今雜體詩一卷李啟 藩著

梅墩詩集十卷熊慶 國著

餘暉堂詩集二卷熊春 光著

南州別墅詩鈔三卷徐燾著 燾號莘農工詩文以諸生終

春我山房詩存四卷朱載 陽著



湘萍賸草一卷 李人華著

格堂十景詩一卷 樊宏昱著

觀古今堂詩草二卷 閻光憲著

詠香園詩草二卷 童亮輔著 有傳 亮輔別有惜筆引敬義堂記

試韻舉隅四卷閒齋集一卷 李象鵠著

雲湖合編一卷 李象鵠著

詒穀堂詩稿 李象鵠著

楓莊詩稿二卷 鄧洪治著 有傳

春暉堂詩集一卷 陳本欽著

紀遊小草一卷 羅廷藻著

立山堂詩賸五卷 楊堯章著

長沙縣志 卷之三十五 藝文二

全

遺餘詩草一卷 郭慶桂著

揖青山樵詩稿四卷 陶丙壽著

詠梅軒詩草 何遠香著

耕心閣詩草一卷 張匯源著 有傳

臥雲軒詩稿二卷 蕭起鵬著

詠月軒詩集 楊雲路著

拜石山齋詩集二卷 常道滋著

小臬詩集二卷 常道治著

看雲起齋詩集 常道助著

萃岡詩集十二卷 熊光輝著 光輝號楓山豪於詩隱居教授壽八十四卒

雲暢樓詩鈔一卷 沈兆奎著



誠求齋詩集

陳星煥著

應星堂詩鈔一卷

陳熙僑著

種璧園詩草四卷

楊德溥著

捫蝨山房詩稿二卷

常澤癸著

綠蔭草堂詩集

徐國楮著 有傳

小隱山房詩草一卷

張錫福著

問梅詩草一卷

楊星農著 星農名象緯力學淡於名利工詩性愛梅花嘗作問梅小照遂以名其集

草堂閒詠一卷

李鄰梓著

青舫詩集一卷

童廷耀著 有傳

四松堂詩稿

吳翰邦著

省齋詩集二卷

袁楸森著

長沙縣志

卷之三十五

藝文二

全

求是齋詩集

鄭先樸著 先樸字久惺為人深沈有器局工詩生平佩河間王實事求是語顏其齋曰求是

因以名其集外有聲調譜闡說一卷

蘭舫詩遺一卷

陶森藻著

月潭詩草二卷

張福保著

存與堂詩集

熊光秘著

以上詩集

二劉書法

劉曄潭雲房相國之父曄澤相國之叔也兄弟進士善詩尤精於書康雍閒以草書名人間爭得片

紙為貴蓋殫精力於懷素自敘千文聖母經諸帖老筆紛披縱橫如意邑之老宿能書者此為最難多得云

聿合齋法帖湘琳閣法帖

羅源漢書大小石二十四片自序云少時學書從事顏柳長遊詞苑

亦嗜歐虞露骨逞鋒為同人所共喜晚得晉時佳本日展玩忽忽若有所得世之言源漢書者可於此而得其真矣其

宦績詳人物傳邑人士慕思典型公請崇祀鄉賢祠

芳村書法

楊名世字芳村專精二王行草聲名徧湖湘尤善擘窠榜書蓋結胎於蘭亭聖教而下筆超邁如魚



鳥盤空藏鋒不露如印泥畫沙後輩鮮有及者有正氣歌石刻等帖行世

**企北山樵書法** 王恆字象山別號企北山樵以書名草法宗

仁聖教集序楷則確守歐陽率更筆法有初香書屋三種石刻行世

**雙吾書法** 湯厚澤字汝霖號雙吾精書法窮年累月置一懷

**鶴舟書法** 鄭敦勉字鶴舟善書臨摹歐

**四香室書法** 湯亦中字子惠別號支離叟家貧性方正不苟

工詩文篆隸章草鐵筆楷法宗北魏片紙隻字見者寶之有石刻金剛經等帖行世

**題長鄉琉璃河館壁詩** 王素音著 素音長沙女子也順治

長江南摧頽冀北豺狼當道強從毳帳偷生鳥鼠同居何啻將軍負腹悲難自遣命已如斯因夜寐之迷離寄朝吟之哀怨嗟乎高樓墜紅粉自慚石家院內之姝七首耀青霜誓作兀朮帳中之婦天下好事君子其有見而憐乎許虞侯可作沙叱利終須斷頭陷胸崑崙客重生紅綃伎不難衝垣越壁是所願也敢薄世上少奇男竊望圖之應有俠心憐弱質詩

長沙縣志 卷之三十五 藝文二

藝文二

全

日愁中得夢失長途女伴相攜聽鷓鴣卻是數聲催去角醒來依舊酒家胡朝來車馬淚沾巾薄命輕如一縷塵青冢

莫生殊域恨明如猶是為和親多慧多魔欲問天此身已拚入重泉可憐魂魄無歸處應向枝頭化杜鵑

**絕命詩十首** 朱氏女著 長沙朱氏女遇吳逆之亂盡室星

敢犯舟行至小孤山下奮身投江後屍逆流而上浮於故居

水濱夢訴於其父母父母驚起躋之果獲女屍痛哭收殮玉

顏如生衣密縫無寸隙懷間藏油紙封緘字不沾濡解視之

絕命詩十首 詩曰家鄉一別已遭兵此日含羞到漢城忽

聽將軍搜括令從容江上畢餘生厭聽營兒帶笑歌幾回

腸斷嶺猿多青鸞有意隨王母空教人閒設網羅 骨肉輕

拋弟與兄依人千里夢長驚歸魂若返家園去報說雙親已

不生 照影江干祇自悲永辭鸞鏡雙眉朱門空許諧秦

晉死後相逢總不知 遮身猶是舊羅衣夢到瀟湘何日歸

遠涉風濤誰作伴深深遙祝兩靈如 當時閨閣惜如珍何

事牽裾逐水濱寄語雙親休悵恨入江猶是女兒身 少小

叮嚀畫閣時詩書曾託母兄師濤聲夜夜悲何極猶記挑燈

讀楚辭 征帆又說過雙孤掩淚夜深怯夜烏窳江魚波

底沒不畱青冢到單于生平曾許未簪笄深入狂瀾歎不

齊河伯有心憐薄命東流直繞洞庭西 圖史當年講解真

殺身自古欲成仁簪纓雖媿奇男子猶勝王家共事臣 按



朱女事見鈕秀玉樵鮪贖查府志載寶慶推官朱某之長沙舟中見一屍逆流而西心異之百計拯出則絕色少女衣密縫無隙懷中得絕命詩十首裏以油紙朱某子名直者述之甚詳善化貢生萬機作詩紀之並為請附志中以傳其事又沅陵志有節女姓杜名小英者順治甲午掠於兵軍帥曹某欲納女泣告曰吾父喪未滿乞齋戒三月帥許之將掠九江臨發賜以鏡英知不免復曰吾欲為文祭母江上比至踊身投水死後屍逆流而上至洞庭數十日面色如生詩十首以油紙繫衣帶間此三事絕不相類且府志所載絕命詩與朱女詩一詞不異故附識之

### 淑芳小草一卷

羅淑芳著 淑芳邑貢生羅萬懷女適同邑工以資衣食幼讀父書心通其意暇輒弄吟毫著有淑芳小

草一帙擇其尤雅者登之山中曲結茅在山根時來半山裏深處絕無人惟聞落松子秋月小立閒階下盈盈月照子瑤臺仙露冷雲漢玉波虛竹影驚棲鳥池光怯睡魚倚欄渾不寐幽况素心如雪竟日圍爐坐侵唇酒力輕風前紛作勢窗外靜無聲凍合吟肩竦晴開望眼盈寒光向深夜疑是月華明秋仲省外祖母買舟至下泥市時月色盈江猶未抵岸因成一律為念慈顏迴秋江特泛舟四圍煙樹合一色水天浮寺近聞清磬燈明識遠樓潺湲聲不絕帆影在中流秋日送伯兄遊幕年少他鄉客家貧耐遠

## 長沙縣志

### 卷之三十五

藝文二

畬

遊去帆連日雨別柳一亭秋揮淚情難禁牽衣語不休高堂垂念切莫惜報書稠遊舅氏山莊集杜野澗煙光薄來看道路通叢篁低地碧花蕊亞枝紅農務村村急樵聲箇箇同今朝好晴景吹面受和風秋望集杜天畔登樓眼連山晚照紅亂雲低薄暮一雁入高空衡嶽猿啼裏天涯水氣中再窺松柏路斤斧任樵童送十一弟一別愁看隔楚雲遊人風雨渡江濱無情最是黃金物能使人閒骨肉分春日苦雨芳華零落草離披陰雨經旬未改移來往雲屯天壓屋東西溪漲水通籬偏畱燕語喧簾幙不放鶯篁唱柳枝色暗綺寮人罷繡小廚纔熟晚餐時送父重赴粵西高堂今復重離愁豈為雲山戀舊遊鬢白未紓兒女債年豐猶作稻梁謀關河迢遞人經慣寒暑隄防老更周瘴雨蠻煙非樂土叮嚀早自覓歸舟春日偶吟和十一弟八首之一水滿清江草滿隄村前村後見扶犁春風喬木鶯求友細雨空梁燕落泥遣興芳園誰撲蝶敲詩綺閣獨聞雞一番桃李花開處烘染山蹊望不迷夏日寂靜深閨意自閒渾忘炎暑在人寰風薰几榻拋團扇樹繞簾櫳障小山池畔荷開香細細枝頭鳥語韻關關好憑長日擲書史淑媛儀型見一斑與嫂登樓晚眺樓高百尺近垂虹與子登臨四望縷殘霞散晚風隱隱疏鐘何處是憑欄清聽意無窮重九為逢此日傳佳節也自登高上小樓黃菊好從雲鬢插新



詩頻向錦囊投西郊葉落空山冷南浦聲寒旅雁愁憶昔文  
峯歌一曲至今雅調有誰酬落葉四首之二閒階小立  
悵秋空一葉驚飛畫閣東繞屋向餘千樹影穿籬乍聽五更  
風情知搖落清霜裏忍見摧殘古道中寄語行人多愛惜莫  
將詩句漫題紅返照疏林綴碧霞無端飄泊盡天涯空留  
楓冷吳江水不見松巖處士家憶昔芳菲邀舞蝶至今零落  
帶昏鴉且看一路寒山外贏得紅於二月花秋日有感  
寂靜深閨寄此身秋風秋雨又兼旬平居擬效陶潛室擇里  
難求孟母鄰歲盡豈能閒半日年來猶畏老  
雙親可憐時事多如此景物蕭條倍惻人  
繡餘吟一卷 齋奉直大夫楊世懷之妻昭節公延亮之母殉  
難趙城附 祀忠義祠 宜人名家楣字蓮

松筠閣詩集三卷 節婦張熊氏著 氏字蕙媛儒  
士張江源之妻庠生蔚東之母

黎香閣詩草一卷 節婦程熊氏著 氏字  
蓉卿儒士程學海之妻

霜月吟一卷 節婦劉錢氏著 氏名  
衡齡儒士劉廷冕之妻

澹香閣詩集一卷 節婦楊李氏著 氏名星  
堦號淑儀楊詩樽之妻

長沙縣志 卷之三十五 藝文二 全

鑑古集二卷 提督銜浙江處州總鎮劉培元之妻楊淑鳳著  
讀書尤精史學取古人忠孝節義事分類批評顏曰鑑古其  
事舅姑善體其志孝養人多稱之相夫恭謹佐之行善培元  
帥師在外田租所入函請賑餓減糶創置義山義渡等項濟  
人甚多性嗜梅花屢有題詠歿後培元摹小影顏曰梅林詠  
月圖一時名士大夫  
欽其懿德題贊成集

續三珠樹館景勃集四卷 西崑體一卷 憶雨樓詞二卷 王甜  
甜號花成名安簡舉人鈞澤女母宋氏字德如能詩見毛青  
垣彙刻女士詩鈔甜稟母訓九歲嫻吟詠酷嗜溫李近得韓  
詩翻字訣脫盡恆蹊旁及琴棋書畫算學韻學皆有妙悟閨  
房羅列書史與諸姊頌讀其中時相唱和恆自稱不櫛士憾  
不為男子也容貌莊豔若神卒年二十有一

月樓詩存 楊荇洲著 楊世懷  
女善邑黃式卓妻

蘊卿詩集 史蘊卿著 李元炳妻

漱雲山房詩草 羅彥珩著 張延珂妻



秋興詩鈔榮氏著 氏舉人衡臣女太學生柳昌湘妻年未

於吟詠多悲婉之音遺集不傳僅存

秋興數首可略觀其風格之峻也

張昭姑詩集昭姑進士尚懷女瀏陽陳某妻詩棲寄簡淡春

樓臺春不淺幾枝老樹已開花

月移齋詩集勞文桂著 文桂鄒翰

綠窗集吳又仙著 又仙諸生光庭女廖某

井心詩集龍井心著 井心字無瀾甯鄉正漢女長沙鄒

敏求齋集王繼藻著 繼藻字浣香

鳳池研室小草劉照著 照字乙孳大學

小雲詩集吳小雲著 小雲國學生

小華詩集吳小華著 小華幹楚女張鳳西妻詩情高迥發

長沙縣志 卷之三十五 藝文二

素蘭詩集毛國姬著 國姬字孟瑤號素蘭女史武陵楊孝

不復吟詠既感羣美之徽音慮彤管之無述也精

畫菊窗殘稿蕭友竹著 友竹

吟秋閣集李佩蘭著 佩蘭智泉女陳萼樓妻早寡嫻吟詠

未解艱辛事偏向阿娘索果錢

聽雨樓集彭蓮仙著 蓮仙藻汀女善邑熊傳誠妻年二十

真秋聲驚旅雁簾影伴閒身落葉寒飄雨孤燈冷照人

煙未燼香氣襲羅巾夜坐云夜色溶溶候開簾月滿齋鐘聲

沈遠寺花影護空階境靜添幽趣思清愜素懷坐依闌曲久

白露溼弓鞋七夕云翹首銀河夜欲闌填橋有鵲水漫漫人

閒到底輸天上夫婿分離一面難

補錄

以上圍秀集

國朝藝文



明逸編十卷

四庫全書存目江有溶撰衡陽鄒統魯補提要曰是編搜訪明一朝逸事以世說新語原目分錄本名明世說補有溶之子度統魯之子定周注之前列釋名一篇著諸人官爵諡號稱名之不一者蓋仿宋汪藻校世說新語例也

虎鼠齋集

趙而林著自序云余數年刪存詩少許命名為虎鼠齋集客有不解者曰子得毋持用不用之說耶余曰否否丙戌之秋曾以肩輿行南嶽下孤村人斷時見斑斑虎跡是何等悲涼歲月甲午放歸淮泗天時峭寒舟行冰上攜中酒吟一帙竟為鼠嚙幾盡生平詩竟舍此無可名者少陵詩云猛虎立我前蒼崖吼時裂夜夜經戰場野鼠拱亂穴浣花老人半生心事全寫於北征一篇夫固已先我而出悲吟矣客乃相視而笑

息機園詩三卷

支頤寤語一卷

秋思百韻

廖元度著

子大隱年最少如旭日之方升草木之方芽乃忽斂神肅氣置身寂寞之鄉為泊如澹如之思一切勢利無以入其胸或曰秋者萬物之告成也百草搖落莫如秋萬物結實亦莫如秋廖子其去春華而務秋實生平大業於茲卜之史論略編劉灝著

長沙縣志

卷之三十五

藝文二

七

稽古齋印譜四卷

吳觀均著

斯馨堂文集

劉暉潭著

花若山房詩鈔六卷

王洪著

隨鳴錄

文人合著

周禮分類楚詩貫解

陳价英著

松榮堂集

方顯德著

澹吟閣賦鈔四卷

熊傳策著

存真堂文集三卷

柳廷奏著

醫方纂要便覽二卷

吳炯著

平山堂試帖二卷

歐壽樞著

怡雲山房詩稿一卷

鄭世槐著號我廷亦號古樵山人



柳堂詩文集

丁諤忠著

歷朝僧集

附

唐

四分僧羯磨三卷

四分比丘戒本

懷素著

俱見全唐文

白蓮集十卷

四庫全書目錄

白蓮外編十卷

崇文總目

風騷指格一卷

類手鑑一卷

直齋書錄解題

元格分明要覽一卷

宋史藝文志已上皆齊己著

宋

希白詩三卷

晁公武讀書後志

張逸序希白能詩與宋白

齊己云

明

衡嶽唱和詩

櫟堂詩集

明照著

長沙縣志

卷之三十五

藝文二

矣

國朝

湘麓詩鈔

寄塵著

谷山志

法鑑著